

成  
方  
切  
用

吳氏醫學述第四種成方切用目錄

卷六上

祛風門

正方七十一  
附方一十二

侯氏黑散 風引湯 防已地黄湯 頭風摩散

方 桂枝芍藥知母湯 烏頭湯 礬石湯 朮

附湯 越婢加朮湯 小續命湯 麻黃續命湯  
桂枝續命湯

白虎續命湯 葛根續命湯 附子續命湯 桂

附續命湯 羌活連翹續命湯 錄驗續命湯

千金大 大秦朮湯 地黃飲子 天麻丸 稀薺

丸 活絡丹 三生飲 牽正散 改容膏 蠲痺湯

胃風湯

東垣胃風湯

解風散

愈風丹

清空膏

消

風散

轉舌膏

正舌散

二丹丸

排風湯

涼膈散

清心散

滌痰湯

方見除痰門

稀涎散

竹

瀝湯

貝母瓜蒌散

青州白丸子

星附散

治風六合湯

方見理血門

三聖散

加味六君子湯

薏苡仁湯

人參補氣湯

烏頭粥

桂枝五物

湯

方見表散門

十味剉散

通痺散

史國公藥酒方

三因白散子

獨活湯

防風通聖散

方見表裏門

祛風至寶丹

方見表裏門

獨活寄生湯

羌活續斷湯

資壽解

順風勻氣散

八味順氣

# 加味羚

三化

鳥

清震湯

吳氏醫學述第四種

門人周蘭九生庭

武原吳儀洛遵程輯

男

有榆蒼培同較  
有杜雋望

成方切用

祛風門

六氣風淫為首。故風病最多。其淺而

節。則為痿痺。其最重而入於腑。則為中風。

內經風痺痿厥四證。各有專論。獨風論中泛

及雜風。至論中風。惟曰風中五臟六腑之俞。

亦為臟腑之風。各入其門戶所中。則為偏風。

不過兩述其名而已。後論五臟并胃腑之風。

亦但各述其狀而已。賴仲景金匱書表章先

諸家所論  
與力偏執  
以致客反  
勝主幾置  
中風一證  
於焉有矣

醫家所論  
法固而診

聖語語金針。大有端緒之可求矣。仲景以後  
英賢輩出。方書充棟。何反漫無取裁。坐令中  
風一證。鮮盡一之法。治之百無一効。如劉河  
間則主火為訓。是火召風入。火為本而風為  
標矣。李東垣則主氣為訓。是氣召風入。氣為  
本而風為標矣。朱丹溪則主痰為訓。是痰召  
風入。痰為本而風為標矣。張景岳則以為此  
證多屬氣脫。本非風證。竟以非風二字。易中  
風二字。其見雖超。然豈無外邪乘虛而入。以  
致卒倒者乎。喻嘉言曰。此證陽虛。邪害空竅  
為本。而風從外入者。必挾身中素有之邪。或  
氣。或痰。或火。而為標也。蓋風為陽邪。人身衛  
外之陽。不固。陽邪乘陽。尤為易入。即如偏枯  
不仁。要皆陽氣虛。餒不能充。灌所致。中風卒  
倒。其陽虛更審。設非陽虛。其人必輕。矯使。操  
何得卒倒耶。要知風性善走。空竅陽虛。則風  
居空竅。漸入臟腑。此惟離照常空。羣邪始得  
畢散。若胸中之陽不治。風必不出矣。中風門

中。大小續命湯。及六經加減法。雖曰治風。依  
然後人之法也。金匱取古今錄驗續命湯。治  
風痺之身無痛。而四肢不收者。仲景所重。原  
不在此。所重維何。則驅風之中。兼填空。竅為  
第一義也。空。竅。一實。則風出。而不復入。其病  
瘳矣。古方中有侯氏黑散。深得此意。仲景取  
為主方。隨製數方。輔其未備。乃遵內經久寒  
其空之意也。後人以無師之智。矯亂成法。中  
風之初。治其表裏。風邪非不出。而重。  
門洞開。出而復入。適至。莫禦者。多矣。

# 侯氏黑散

金匱

治大風四肢煩重心中惡寒不足

者

外臺用  
治風癰

菊花

分四十

白朮

防風

分十

桔梗

分八

黃芩

分五

人參

茯苓

當歸

川芎

乾薑

桂枝

細辛

牡蠣

礬石分三

十四味杵爲散用溫酒調

方寸七日三服二十日再冷食服四十日禁一切魚肉大蒜共六十日止卽藥積腹中不下熱食卽下矣冷食自能助藥力

此爲中風家挾寒而未變熱者治法之準則也謂風從外入挾寒作熱此爲大風證見四肢煩重豈非四肢爲諸陽之本爲邪所痺而陽氣不運乎然但見於四肢不猶愈體重不勝乎證又見心中惡寒不足豈非漸欲陵心乎然燥熱猶



約定人肝  
黃心獨因  
必傷肝  
風邪乘  
傷併入心  
風散也。

未乘心。不猶愈於不識人乎。故用參苓歸芍補其氣血。爲君。菊花白朮牡蠣養肝脾腎爲臣。而加防風桂枝以行痺着之氣。細辛乾薑以驅內伏之邪。兼桔梗黃芩以開提肺熱爲佐。礬石所至卻溼解毒收澀心氣。酒力運行周身爲使。且必爲散酒服至六日止。又常冷食。使藥積腹中。不下填塞胸中之空竅。而邪可不復入內經。所謂塞其空竅是爲良工之理也。

嘉言曰仲景制方皆匠心

獨創。乃於中風證首引此散。豈非淡服其長乎。夫立方而但驅風補虛。誰不能之。至於驅之補

風引湯

金匱

治大人風引癱瘓小兒驚癇瘈瘲日

數十發

巢氏用治脚氣

大黃

乾薑

龍骨

四兩牡蠣

甘草

二兩桂枝

寒水石

滑石

赤石脂

白石脂

紫石英

石膏

六兩

十二味

杵粗篩

以葦囊盛之

取三

之之中行其堵截之法則非思議可到方中取用礬石以固諸諸藥使之留積不散以漸填其空竅服之日久風自以漸而熄所以初服二十日不得不用溫酒調下以開其痺着以後則禁諸熱食惟宜冷食如此再服十日則藥積腹中不下而空竅填矣空竅填則舊風盡出新風不愛矣蓋藥性得冷即止得熱即行故囑云熱食即下矣冷食自能助藥力抑何用意之微耶

指撮井花水三升煮三沸溫服一升

風邪內并則火熱内生五臟亢盛逆歸於心故以桂甘龍牡通陽氣安心腎爲君然厥陰風木與少陽相火同居火發必風生風生必挾木勢侮其脾土故脾氣不行聚液成痰流注四末因成癰瘰故用大黃以蕩滌風火溼熱之邪爲臣隨用乾薑之止而不行者以補之爲反佐又取滑石石膏清金以伐其未赤白石脂厚土以除其溼寒水石以助腎水之陰紫石英以補心神

之虛爲使故大人小兒風引驚癇皆主之巢氏  
用治腳氣以石性下達可勝溼熱不使攻心也

嘉言曰風者外司厥陰內屬肝木上隸手經下  
隸足經中見少陽相火所以風自內發者由火  
熱而生也風生必害中土土主四肢土病則四  
末不用聚液成痰癰瘰者以風火挾痰注於四  
肢故也觀金匱此方可見非退火則風不熄非  
填竅則風復生風火一熾則五神無主故其用  
藥如是之周到也又曰侯氏黑散巔主補虛以  
熄其風此方兼主清熱火淫以除其風明此以  
治風之入臟者游刃有餘何後世以爲石藥過  
多舍之不用而用腦麝以散其真氣花蛇以增  
其惡毒智耶愚耶吾不解矣思可曰河間謂風  
病多因熱甚良由將息失宜而心火暴甚腎水  
虛衰不能制之則陰虛陽實而熱氣拂鬱心神  
昏冒筋骨不用而卒倒無知多因喜怒悲憂恐

論血虛

也

論風引

論風引

論風引

論風引

論風引

風也

成方切用

風

卷六上

防已地黃湯

五

五志過極。此最確之論。但云全無外風。未免太偏。不知熱能生風。風亦能生熱。故仲景既云。脈微而數。中風使然。此偏中。外風者也。又以寸口脈微而緊。亦為中風。而實皮膚經絡。風寒。遽淡者也。又以寸口脈遲而緩。亦為中風之脈。然又分別言之。曰。營緩則為亡血。謂本氣先自病。而外風因之也。衛緩則為中風。謂風強則然。而以漸入內者也。下則出風。引湯方。而方名全主於風。以風為陽邪。故熱也。則知從亡血來。是熱能生風。而外邪又助之也。從中風來。是風能生熱。以滯津液。而痰涎壅膈也。是河間主熱之論。仲景早引其端緒。但不專主於熱。謂實有陽虛。而外邪入之。為卒倒。為偏枯。為筋急。癱瘓者。也。若諸痿全起於肺熱。因而傳入五臟。為昏惑。癱瘓。腎悶。暴瘡。皆屬於火。為四肢不收。舌本強。足痿不收。痰涎有聲。皆屬於土。悉是溼熱之病。與中風之虛多。風多。寒多。皆為中風之理。全不相涉矣。按黑散風引二湯。喻氏以為仲景聖方。而

程雲來金匱直解又云侯氏黑散風引湯防已  
地黃湯頭風摩散礬石湯所主皆非中風歷節  
之證是宋人較正附入唐人之方遂盡刪之又  
云仲景方書之祖復取侯氏方為法耶亦不遇  
贗度之  
見南

防已地黃湯

金匱

治病如狂狀妄行獨語不休無

寒熱其脈浮

桂枝

防風

分三

防已

甘草

分一

以酒

一杯漬

之一宿絞取汁

生地黄二觔咬咀蒸之如斗米

飯久以銅器盛其汁更絞地黄汁和分再服

此亦風之逆入於心者也風升必氣湧氣湧必

滯涎滯則流淫淫而壅火邪聚於心故以二  
防桂甘去其邪而以生地最多清心火涼血熱  
謂如狂妄行獨語不休皆心火熾盛之證也况  
無寒熱則知病不在表不在表而脈浮其爲火  
盛血虛無疑爾後人地黃飲子犀角地黃湯等  
實祖於此

頭風摩散方

金匱

大附子

炮

鹽

等分爲散沐了以方寸七以摩

疾上令藥力行

頭風乃偏着之病故以附子劫之鹽清其邪

桂枝芍藥知母湯

金匱

治諸肢節疼痛身體羸

腳腫如脫頭眩短氣溫溫欲吐

生薑

兩五

桂枝

白朮

知母

防風

兩四

芍藥

兩三

附子

炮

麻黃

甘草

兩二

九味以水七升煮取

二升溫服七合日三服

此類歷節病由風溼外邪而兼脾腎俱虛之方也謂諸肢節疼痛溼留關節也因而身體爲邪所痺則尪羸溼從下受亦或自上注之總是溼



喜歸下故腳腫如脫腎虛挾風故頭眩衛氣起於下焦腎元既虧三焦無主致太陽與陽明相牽制爲病故胃氣欲下行而太陽掣其氣在上太陽欲上行而胃溼相搏不利故短氣溫溫欲吐用桂枝湯去棗加麻黃以助其通陽加白朮防風以伸脾氣加知母附子以調其陰陽謂欲制其寒則上之鬱熱已甚欲治其熱則下之腎陽已痺故竝加之爾

烏頭湯

金匱

治病歷節不可屈伸疼痛亦治腳氣

疼痛不可屈伸

烏頭五枚 咀咀以蜜二升甘草炙黃耆炙芍藥

麻黃三兩將後四味咀咀以水三升煮取一

升去滓內蜜煎中更煎之服七合不知盡服之  
歷節病即行痺之屬也乃溼從下受挾風流注  
故或足腫而必發熱且更不可屈伸而疼痛故  
以甘芍和陰麻黃黃耆通肌肉之陽氣而藉川  
烏之迅發以行其痺著

礬石湯金匱

治腳氣衝心此亦因風而自下而

礬石二兩

以漿水一斗五升煎三五沸浸腳良

礬石收溼解毒故以之爲外治然至衝心亦能

治之蓋腳氣而至衝心皆由腎水挾腳氣以陵

心得礬石之卻水而勢自不能相陵所以有護

心之功也

朮附湯

近効

治風虛頭重眩苦極不知食味煖肌

補中益精氣

附子

一枚半炮去皮

甘草

炙

白朮

一兩

三味剉每五錢

煨薑五片棗一枚水盞半煎七分去滓溫服

腎氣空虛風邪乘之漫無出路風挾腎中濁陰之氣厥逆上攻故頭重眩苦至極兼以胃氣亦虛不知食味此非輕揚風劑可愈故用附子煖其水臟白朮甘草煖其土臟水土一煖猶之冬月井中水土既煖陽和之氣可以立復而濁陰之氣不驅自下矣

越婢加朮湯

千金

治內熱極則身體津脫腠理開

汗大泄厲風氣下焦腳弱

石膏

半斤

麻黃

六兩

白朮

四兩

甘草

生薑

二兩

大棗

十五

枚

六味以水六升先煮麻黃去上沫內諸藥

煮取三升分溫三服惡風加附子一枚

此治風極變熱之方也。謂風勝則熱勝以致內熱極而汗多。將必津脫。津脫而表愈虛。則腠理不能復固。汗泄不已。將必大泄。風入營爲厲。內經曰。厲者有營氣熱。腠今風入營爲熱。卽是厲風氣矣。蓋風勝氣浮。下焦本虛。至厥陽獨行而濁陰不降。無以養陰。而陰愈虛。則下焦腳弱。故以麻黃通痺氣。石膏清氣分之熱。薑棗以和營。

分氣血屬  
石亦太  
寒其花

衛甘草白木以理脾家之正氣汗多而用麻黃

賴白朮之扶正石膏之養陰以制之故曰越婢

加朮湯所謂用人之勇去其暴也汗大泄而加

惡風即須防其亡陽故加附子方內麻黃用根薑用炮薑為足

小續命湯千金治中風不省人事神氣憤亂半身

不遂丹溪曰左半身不遂屬血虛與痰血以四

屬氣虛與痰以四君筋急拘攣口眼喎斜語言

蹇澀風溼腰痛痰火併多六經中風及剛柔二

瘕瘕者項背強直手足反張也傷風有汗為柔

瘕瘕以風能散氣也傷寒無汗為剛瘕以寒能

澀血也。亦有血虛筋脈無所榮養而成瘰者。凡中風口開爲心絕。手撒爲脾絕。眼合爲肝絕。遺尿爲腎絕。鼻衄爲肺絕。吐沫直視髮直頭搖面赤如桃。汗綴如珠。皆不治。或只見一二證。尚有得生者。金匱中風篇曰。寸口脈浮而緊。緊則爲寒。浮則爲虛。虛寒相搏。邪在皮膚。浮者血虛。絡脈空虛。賊邪不瀉。或左或右。邪氣反緩。正氣卽急。正氣引邪。高僻不遂。邪在於絡。肌膚不仁。邪在於經。卽重不勝。邪入於腑。卽不識人。邪入於臟。舌卽難言。口吐涎。釋曰。中絡者。邪方入衛。尙在經絡之外。故但肌膚不仁。中經則入營脈之中。骨肉皆失所養。故身體重著。至中腑中臟。則離外而內。邪入深矣。中腑必歸於胃。胃爲六腑之總司也。中臟必歸於心。心者。神明之主也。風入胃中。胃熱必盛。蒸其津液。結爲痰涎。胃之大絡入心。痰涎壅盛。堵其出入之竅。故中腑則不識人也。諸臟受邪。並入於心。則神明無主。故中臟者。舌縱難言。廉泉開而流涎沫也。廉

泉穴在舌下竅通於腎津液之所出也。

防風

一錢二分

桂枝

麻黃

杏仁

去皮尖炒研

芩薊

酒洗

白芍

酒炒

人參

甘草

炙

黃芩

酒炒

防已

八分

附子

四分

每服

三錢

加薑棗煎

筋急語遲

脈弦者

倍

人參

加薏仁

當歸

去芍藥

以避中寒

煩躁不大

便去桂

附倍芍藥

加竹瀝

日久不大

便胸中不

快加大黃

枳殼

臑寒下痢

去防已

黃芩

倍附子

加白朮

嘔逆加半

夏語言蹇

澀手足戰

掉加石

菖蒲

竹瀝

身痛發搐

加羌活

口渴加麥

冬花粉



煩渴多驚加犀角羚羊角汗多去麻黃杏仁加  
白朮口燥去桂附加石膏

此六經中風之通劑也鶴臯曰麻黃杏仁麻黃  
湯也治太陽傷寒桂枝芍藥桂枝湯也治太陽  
中風此中風寒有表證者所必用也人參甘草  
補氣川芎芍藥補血此中風寒氣血虛者所必  
用也風淫故主以防風挾溼佐以防已挾寒佐  
以附子挾熱佐以黃芩病來雜擾故藥亦兼該  
也

嘉言曰中風之脈必有所兼兼寒則浮緊兼  
風則浮緩兼熱則浮數兼痰則浮滑兼氣則

浮清兼火則盛大。兼陽虛則脈微。兼陰虛則脈數。或細如絲。虛滑為頭痛。緩遲為營衛衰。然虛浮遲數。正氣不足。尚可補救。急大數疾。邪不受制。必死無疑。然數大未至急疾。尚有不死者。又日世傳中風之人。每遇外風一發。宜進續命湯。以禦之。殊為不然。風勢既定。更用續命湯。重引風入。是添蛇足也。惟用其寒藥類。類熱服。俾內不召風外。無從入之路。且其寒一可息風。二可補虛。三可久服。何樂不川耶。保命集曰。厥陰濕病不止。脈沉遲。手足厥逆。腹血稠黏。此為難治。宜麻黃湯。小續命湯。汗之。謂有表邪。縮於內。當散表邪。則臟腑自安矣。又曰。厥陰風濕。以風治風。小續命消風散主之。

易老六經加減法。倍麻黃杏仁。防風名麻黃續命湯。治太陽中風。無汗惡寒。倍桂枝芍藥杏仁。

名桂枝續命湯治太陽中風有汗惡風去附子  
加石膏知母名白虎續命湯治陽明中風無汗  
身熱不惡寒加葛根倍桂枝黃芩名葛根續命  
湯治陽明中風身熱有汗不惡風倍附子加乾  
薑甘草名附子續命湯治太陰中風無汗身涼  
倍桂附甘草名桂附續命湯治少陰中風有汗  
無熱加羌活連翹名羌活連翹續命湯治中風  
六經混淆繫少陽厥陰或肢節攣急或麻木不  
仁

玉機微義曰此方無分經絡不辨寒熱虛實雖多亦奚以爲易老治分六經庶乎合法。

去防風防已附子白芍加當歸石膏卽古今錄  
驗續命湯治中風痺身體不能自收持或拘急  
不得轉側內之營衛痺而口不能言冒昧不知

痛處

嘉言曰非卽痺之別名也。風入而痺其營

痛處或拘急不得轉側也。然營衛有虛有實。虛者自內傷得之。實者自外感得之。此方則治外感之痺其營衛者故以得小汗爲貴。然已變越婢之制而加芍歸養血。人參益氣矣。其內傷而致營衛之痺者於補氣血藥中略加散風藥爲制。更可知矣。

錄驗方去人參

加乾薑黃芩竹瀝卽千金大續命湯通治五臟

偏枯賊風

大秦朮湯

機要

治中風手足不能運掉舌強不能

言語風邪散見不拘一經者

秦朮

石膏

三兩 當歸

白芍

酒洗

川芎

生地

酒洗

熟地

白朮

土炒

茯苓

甘草

炙

黃芩

酒炒

防風

羌活

獨活

白芷

一兩

細辛

五錢

每服

一兩

雨溼加生薑春夏加知母心下病加枳殼

此亦六經中風之通劑也中風虛邪也留而不

去其病則實故用驅風養血之劑兼而治之以

秦朮為君者以其主宰一身之風石膏所以去

胃中總司之火羌活去太陽百節之風疼防風  
爲諸風藥中之軍卒三陽數變之風邪責之細  
辛三陰內淫之風溼責之苓朮去厥陰經之風  
則有川芎去陽明經之風則有白芷風熱干乎  
氣清以黃芩風熱干乎血涼以生地獨活療風  
溼在足少陰甘草緩風邪上干於肺用當歸熟  
地芍藥者所以養血於疏風之內以濟風藥之  
燥也嘉言曰此方既云養血而筋自柔何得多  
用風燥藥饒云靜以養血何復用風藥以  
動之是言與方悖矣偶論三化湯愈風湯大秦  
升湯皆似是非而非者又曰四肢不舉皆屬脾土

其也

膏粱太過積熱內壅者為脾土痰實宜以開  
其壅食少體羸怠惰嗜臥者為脾土虛衰宜補  
其健

地黃飲子

河

治中風舌瘖不能言足廢不能行

此少陰氣厥不至名曰風痺急當溫之

熟地

巴戟

心去

萸肉

菴蓉

酒洗

附子

炮

官桂

石斛

茯苓

石菖蒲

遠志

麥冬

五味

等分每服五錢入薄荷少許薑棗煎

熟地以滋根本之陰巴戟菴蓉官桂附子以返  
真元之火石斛安脾而祕氣山萸溫肝而固精

戊子初月

地黃飲子

古

菖蒲遠志茯苓補心而通腎臟麥冬五味保肺

以滋水源使水火相交精氣漸旺而風火自息

矣醫貫曰治中風當以真陰虛為本但陰虛有

二有陰中之水虛有陰中之火虛火虛者專

以河間地黃飲子為主水虛者當以六味地黃

丸為主果是水虛辛熱之藥與參耆之品俱不

可加或曰風淫所勝治以辛涼何故反用桂附

使火盛制金不能平木而風木益甚耶曰此是

腎虛真陰失守孤陽飛越若非桂附何以追復

其散失之元陽其痰涎上湧者水不歸元也而

赤煩渴者火不歸元也惟桂附能引火歸元水

火既歸其元則水能生木木不生風而風自息

矣按腎氣厥不至舌下乃臟真之氣不上榮

於舌本爾至其濁陰之氣必橫格於喉舌之間

吞咯維艱昏迷特甚又非如不言之證可以緩

謂方中所用桂附已從原為驅逐濁陰而設用



方者不可執已見而輕去之也。

天麻丸

易老

養血祛風壯筋骨

天麻

祛風

牛膝

浸三日焙乾用

強筋二味用酒同

草薢

祛風

強筋

玄

參

各六兩壯水制火

杜仲

七兩使筋骨相着

當歸

十兩和血

生地

一兩

益真

羌活

十兩去骨節風

附子

炮一兩行經

蜜丸

一方有

獨活

五兩

此方大意主治腎熱生風其以天麻入牛膝同製取其下達倍用當歸地黃生其陰血草薢玄參清下焦之溼熱附子補下焦之真陽蓋唯腎

中陽虛故風得以久據其地也用羌活之獨本  
者即真獨活不必更加也吁嗟多慾之人兩腎  
空虛有如烏風洞慘慘黯黯漫無止期環視風  
門諸藥有一能勝其病者乎此方雜在羣方內  
未易測識特表而出之劉宗厚曰秦芫湯愈風  
行經散風之劑居其大半將何以養血而  
益筋骨也天麻丸養血壯筋骨庶幾近理  
治中風喎僻語言蹇澀風中經於經肢緩骨  
痛風而兼濕及風痺走痛滯熱流注世俗所謂流火  
即內經所謂行痺痛痺也  
或十指麻木氣血不足或有溼  
痰死血在胃中也肝腎風氣風溼

豬苓丸

張詠

治中風喎僻語言蹇澀

風中經於經

肢緩骨

諸瘡

豨薟草

以五月五日七月七日九月九日採

者佳不拘多少揀去粗筋畱枝葉花實蒸曬九

次蜜丸

豨薟辛苦氣寒其味莢臭必蒸曬九次加以酒蜜則苦寒之陰濁盡去而清香

之美味見矣數不至九陰濁尚在不能透骨驅風而卻病也。嘉言曰豨者豬也其畜屬亥乃風木所生之始取用其葉以治風凡腎臟生風之證服此其效最著其妙處全在氣味之莢劣與腎中之腥臊同氣相求故能入腎而助其驅逐陰風之力也。因治腎風之方百不得一特錄此丸合前天麻丸兩發其義也。

豨薟能驅風散溼行大腸之氣然風藥終燥若

風痺由於脾腎兩虛陰血不足不由風溼而得

者亦忌服之

唐成訥有進豨薟表宋張詠進豨薟表云其草金稜銀線素莖紫莖

節葉相對頗類蒼耳臣嘖百服眼目清明積至千服鬚髮烏黑筋力輕健效驗多端

活絡丹

治中風手足不仁日久不愈經絡中有

溼痰死血腿臂間忽有一二點痛

川烏

炮去草烏

炮去膽星

六地龍洗焙乾乳香

去沒藥

兩三錢

酒丸酒下

膽星辛烈所以燥溼痰二烏辛熱所以散寒溼

蚯蚓溼土所生欲其引烏星直達溼痰所結之

處大易所謂同氣相求也風邪注於肢節久則

血脈凝聚不行故用乳香沒藥以消瘀血乳香活血

能去風伸筋沒藥能散瘀血生新血二藥竝能消腫止痛故每相須而行

三生飲 治中風卒然昏憤不省人事痰涎壅盛

語言蹇澀等證東垣曰中風非外來風邪乃本

之際或憂喜忿怒傷其氣者多有此證壯歲之時無有也若肥盛者則間有之亦是形盛氣衰

而如此

生南星兩生川烏去皮生附子去皮木香錢二每

服一兩加人參一兩煎

南星辛熱散風除痰附子重峻溫脾逐寒烏頭  
輕疏溫脾逐風二藥通行經絡無所不至皆用  
生者取其力峻而行速也重加人參所以扶其  
正氣少佐木香所以行其逆氣也醫貫曰觀東垣之論當以  
氣虛為主縱有風邪亦是乘虛而襲經曰邪之所湊其氣必虛是也當此之時豈尋常藥餌能  
通達於上下哉急以三生飲一兩加人參一兩煎服即愈此乃行經治痰之劑斬關擒王之將  
必用人參兩許駕取其邪而補助真氣否則不惟無益適以取敗觀先哲參耆參附其義可見  
若遺尿手散口開鼻鼾為不治然服前藥多有生者喻嘉言曰雖為陰可勝純陽之藥腑為  
陽必加陰藥一二味制其僭熱經絡之義又當加和營衛并宣導之藥

牽正散

方直指

治中風口眼喎斜無他證者

足陽

脈候口環唇是太陽之脈起於目內眦陽明內蓄痰熱太陽外中於風故牽急而喎斜也。又木不及則金化縮短乘之木為金乘則土寡於畏故口眼喎斜。口目常動故風生焉耳鼻常靜故風息焉。

白附子

僵蠶

全蠍

等分為末每二錢酒

調

吳鶴臯曰凡防之屬可以驅外風而內生之風

非其治也

肝有熱則自生風與外感之風不同

星夏之屬足以治

溼痰而風虛之痰非其治也三藥療內生之風

治虛熱之疹得酒引之能入經而正口眼又曰

白附辛可驅風

能去頭風蠱蠅鹹能軟痰化輕清

能上走頭面驅風散痰

辛中有熱者必熱可

使從風蠱蠅有毒可使破結藥有用熱以攻熱

用毒以攻毒者大易所謂同氣相求內經所謂

衰之以其屬也

附改容膏蓖麻子

一兩冰片三分共搗為膏寒月加

乾薑附子

各一錢

左髑貼右右髑貼左即正或用

鱧魚血或用蛻螂搗敷亦良蓋三物皆追風拔



毒之品也

蠲痺湯

嚴氏

治中風身體煩痛項背拘急手足冷

痺腰膝沉重舉動艱難

諸證皆因營衛虛而風

不仁衛虛則不用不仁皮膚不知痛癢也不用

手足不能運動也岐伯曰中風大法有四一

曰偏枯半身不遂也二曰風痺身無疼痛四肢

不收也三曰風癢奄忽不知人也四曰風痺諸

痺類風狀也嘉言曰雖相類實有不同風則陽

先受之痺則陰先受之雨致痺之因曰風曰寒

日溼互相雜合非可分屬但以風氣勝者為行

痺風性善行故也以寒氣勝者為痛痺寒主收

急故也以溼氣勝者為

着痺溼主重滯故也

黃耆

蜜炙當歸

洗酒

赤芍

炒酒

羌活

防風

甘草

炙

片子薑黃

酒炒

加薑棗煎

辛能散寒風能勝溼防風羌活除溼而疏風氣

通則血活血活則風散黃耆炙草補氣而實衛

黃耆畏防風合用而其功益大

當歸赤芍活血而和營薑黃理

血中之氣能入手足而祛寒溼也

準繩曰凡風痺偏枯未有

不因真氣不周而病者也治之不用黃耆為君

人參歸芍為臣防風桂枝鈎藤荆瀝竹瀝薑汁

韭汁葛汁梨汁乳汁之屬為佐而徒雜杏平烏

附羌獨以涸營而耗衛如此死者醫殺之也

胃風湯

易老

治風冷乘虛客於腸胃飡泄注下完

穀不化及腸風下血又治風虛能食牙關緊閉

手足癱瘓肉腠面腫名曰胃風

人參

白朮

土炒

茯苓

當歸

酒洗

芍藥

芍藥

酒炒

桂

等分

加粟米

百餘粒

煎

此即十全湯去黃耆地黃甘草

胃風者胃虛而風邪乘之也風屬肝木能尅脾

土故用參朮茯苓以固脾氣而益衛當歸川芎

以養肝血而調營芍藥瀉肝而能和脾肉桂散

風而能平木

木得桂而枯剋桂對木根其木即死又辛能散風

故能佳

泄瀉而療風溼也

玉機微義曰此方名治風而實非治風乃補血和血益胃

之藥血病而挾淫者實可倚仗

東垣胃風湯白芷升麻二錢麻黃節不去葛根一錢

柴胡羌活藁本蒼朮蔓荊草薏黃蘗當歸炙草

各五分加薑棗煎亦治胃風證喻嘉言曰風入胃中何以反能食蓋

風能生熱即內經痺成爲消中之理也是方但去其風不去其熱殊不合內經之旨必加麥門

冬竹瀝花粉石膏威靈生地梨汁甘寒之藥入升麻葛根甘草爲劑始爲克當

解風散 治風成寒熱頭目昏眩肢體疼痛手足

痺痺上膈壅滯

人參兩半麻黃兩二川芎 獨活 細辛 甘草兩一

爲細末每五錢水盞半生薑五片薄荷葉少

許煎八分不拘時服

按風成爲寒熱乃風入胃中而釀營衛之偏勝  
前胃風湯正驅胃風使從外解之藥此因風入  
旣久胃氣致虛故以人參爲君臣以麻黃川芎  
佐以獨活細辛使以甘草而和其營衛乃可收  
其外解之功也若夫久風成爲飡泄則風已入  
於裏又當用人參爲君桂枝白朮爲臣茯苓甘  
草爲佐使而驅其風於內此表裏之權衡內經  
之旨要也本方雖用風成寒熱四字漫無着落

今併及之

愈風丹 治諸風證偏正頭痛

防風通聖散四物湯黃連解毒湯各一料加

羌活 細辛 甘菊花 天麻 獨活 薄荷

何首烏一兩 蜜丸如彈子大每服一丸細嚼

茶清下不拘時服

按外風與身中之火熱相合以陽從陽必上攻於頭然風火盛營血必虧故其藥如是也

清空膏

東垣 治正偏頭痛年深不愈及風濕熱上

壅頭目及腦苦痛不止

偏頭痛者少陽相火也

風屬火。多血虛。有屬痰。屬熱。多氣虛。準繩曰。醫書多分頭痛。頭風為二門。然一病也。淺而近者。名頭痛。深而遠者為頭風。當驗其邪所從來而治之。

黃芩

酒炒

黃連

酒炒

羌活

防風

一兩

柴胡

七錢

川芎

五錢

甘草

炙兩半

為末每服三錢

茶調如膏白湯送

下如少陰頭痛加細辛太陰頭痛脈緩有痰去

羌活防風川芎甘草加半夏如偏頭痛服之不

愈減羌活防風川芎一半加柴胡一倍

散少陽相火。

如自汗發熱惡熱而渴此陽明頭痛只與白虎

湯加白芷。東垣曰：太陰頭痛必有痰也。少陰頭  
痛是寒而氣逆也。太陰少陰二經雖  
不上頭，然痰與氣壅於腦中。  
頭上氣不得暢而為痛也。

頭為六陽之會，其象為天，乃清空之位也。風寒  
溼熱干之，則濁陰上壅而作實矣。羌防入太陽，  
柴胡入少陽，皆辛輕上升，祛風勝溼之藥。川芎  
入厥陰，為通陰陽氣血之使。甘草入太陰，散寒  
而緩痛。辛甘發散為陽也。芩連苦寒以羌防之  
屬升之，則能去溼熱於高巔之上矣。芩連用酒  
炒，非獨制  
其寒欲其上升也。丹溪曰：清空膏諸般頭痛皆  
治。惟血虛頭痛從魚尾相連痛者不治。魚尾眼



角也。又云：治少陽頭痛，如痛在太陽厥陰者，勿用。蓋謂顛頂痛也。頭痛用羌活、防風、柴胡、川芎、升麻、細辛、藁本之異者，分各經也。用黃芩、黃連、黃檗、石膏、知母、生地之異者，分各臟也。瀉火也。用茯苓、澤瀉者，導溼也。用參耆者，補氣也。用芎歸者，養血也。王海藏曰：熱在至高之分，當以輕劑抑之，從緩治也。若急服之，上熱未除，中寒生矣。

消風散 治風熱上攻頭目昏痛項背拘急鼻嚏

聲重及皮膚頑癩癰疹瘙癢婦人血風任二經

為風襲傷致生血病也

厚朴薑汁炒 陳皮白去 甘草炙 荆芥錢五 防風 蟬蛻

羌活 藿香 殭蠶洗炒 川芎 茯苓 人參

二兩

爲末每服三錢茶湯下瘡癰酒下

羌防荆芎之辛浮以治頭目項背之風殭蠶蟬  
蛻之清揚以去皮膚之風藿香厚朴以去惡散  
滿參苓甘橘以輔正調中使風邪無畱壅也

轉舌膏

治中風癱瘓舌蹇不語

涼膈散加菖蒲遠志各等分蜜丸彈子大硃砂  
爲衣薄荷湯化下臨臥服

此乃治心經蘊熱之方也

正舌散

治中風舌木強難轉語不正

蠟梢二七箇 茯苓一兩 末之每服一錢溫酒調又

擦牙更效

此乃治風涎壅塞之方也

二丹丸 治風邪健忘養神定志和血內安心神

外華腠理得睡

丹參 熟地 天冬去心兩半 硃砂 人參 菖蒲

遠志錢五 茯神 麥冬 甘草一兩 煉蜜丸桐

子大每服五十丸至一百丸空心食前服

按中風證心神一虛百骸無主風邪擾亂莫由

我方切用 風 卷六上 正舌散 二丹丸 排風湯

驅之使出此方安神益虛養血清熱息風服之

安睡功見一班矣

相傳用愈風湯吞下殊失用方之意

排風湯 治風虛冷溼邪氣入臟狂言妄語精神

錯亂及五臟風發等證

麻黃

茯苓

獨活

一錢

甘草

炙

防風

白朮

當歸

芍藥

肉桂

杏仁

川芎

白蘚

皮

五分

加薑三片

按虛風冷溼雖已入臟其治法必先宣之使從外散故用藥如是也

涼膈散

治心火上盛膈熱有餘目赤頭眩口瘡

唇裂吐衄涎嗽稠黏二便淋閉胃熱發斑瘡疹  
黑陷諸風癰瘰手足掣搦筋攣疼痛

連翹  
梔子仁  
薄荷  
大黃  
芒硝  
藜蘆

甘草 加棗二枚 葱一根

清心散

卽涼膈散加黃連竹葉煎成去渣入蜜少許溫服如頭痛加防風川芎石膏

按中風證大率風木合君相二火主病多顯膈

文  
丁  
風  
二  
一  
京  
儒  
教  
青  
心  
教  
條  
陸  
島  
三

熱之證古方用涼膈散最多不但二方已也如  
轉舌膏用涼膈散加菖蒲遠志活命金丹用涼  
膈散加青黛藍根蓋風火之勢上炎胸膈正燎  
原之地所以清心寧神轉舌活命涼膈之功居  
多不可以宜通腸胃之法輕訾之也

滌痰湯 治中風痰迷心竅舌強口不能言  
方見卷九上除痰門

稀涎散 治風涎不下喉中作聲如牽鋸或中溼  
腫滿

半夏

大者十枚

豬牙皂角

一箇

咀作一服水二

盞煎一盞入生薑自然汁少許服不能嚥者徐

徐灌之

此以半夏治痰涎牙皂治風比而成方蓋因其無形之風挾有形之涎膠結不解用此二物俾涎散而風出也其有涎多難散可於卷三下涌吐門諸吐法參治之或用蘿蔔子合牙皂等分爲末煎湯吐之其風多涎少人事不昏則用蝦半觔入醬葱薑等水煮先啣蝦次啣汁後以鷺

翎探引吐之活法在心無施不當也

竹瀝湯

治四肢不收心神恍惚不知人事口不

能言

竹瀝

生葛汁

升二

生薑汁

合二

和勻分溫三服

按人身之積痰積熱常招致外風結爲一家令  
人心神恍惚如邪所憑實非邪也消風清熱開  
痰其神自安此方可頻服也

貝母瓜蒌散

治肥人中風口眼喎斜手足麻木

左右俱作痰治



貝母 瓜蒌 南星炮 荊芥 防風 羌活

黃藥 黃芩 黃連 白朮 陳皮 半夏湯

次薄荷 甘草炙 威靈仙 天花粉 加薑煎

按中風證多挾熱痰而肥人復素有熱痰不論  
左右俱作痰治誠爲當矣但肥人多虛風瘦人  
多實火虛風宜用甘寒一派如竹瀝人參麥冬  
生地生葛汁生梨汁鮮淡竹葉汁石膏瓜蒌葳  
蕤胡麻仁等藥此方三黃並用治瘦人實火或  
可治肥人虛風甚不宜也至泛論治熱痰之藥

諸方中又唯此足擅其長存之以備實火生風  
生熱之選

青州白丸子

治風痰壅盛嘔吐涎沫口眼喎斜

手足癱瘓及痰盛泄瀉

肥人滑泄多屬之痰滑不食不饑多責之痰

白附子

南星

二半夏

水浸去衣七兩

川烏

去皮臍五錢

四味俱生用爲末生絹袋盛於井花水內擺出  
粉未出者以手揉令出查再搗再擺以盡爲度  
用磁盆日曝夜露每日一換新水攪而後澄春  
五夏三秋七冬十日去水曬乾如玉片以糯米

粉作稀糊丸如菉豆大每服二十丸生薑湯下  
無時如癰瘰酒下

此治風痰之上藥也然藥味雖經浸驟毒氣已  
殺溫性猶存熱痰迷竅非所宜施

星附散 治中風能言口不歪而手足顛曳者

南星 半夏各製 茯苓 殭蠶炒 川烏去皮 人參

黑附子 白附子分八 煎成熱服得汗愈凡

附子藥多取冷服謂熱因寒用也此用烏頭附  
子人參一溪溫補絕無發散之藥倘非加以熱  
服亦何由而得汗耶

此治虛風寒痰之主藥也風虛則熾痰寒則壅阻遏脾中陽氣不得周行故手足爲之躄曳用此方熱服以助脾中之陽俾虛風寒痰不相互結乃至得汗則風從外出痰從下出分解而病愈矣

治風六合湯

治風虛眩運

方見卷一下理血門四物湯附方內

三聖散

治中風手足拘攣口眼喎斜腳氣行步

不正

當歸

酒洗

玄胡索

微炒為末

肉桂

去粗皮等分

為末每

服二錢空心溫酒調下

按此方治血虛風入之顛癇也故取以治口眼  
喎斜之左急右緩者然血藥中而加地黃白芍  
秦艽杜仲牛膝風藥中而加天麻防風羌活白  
芷細辛或加獨活以去腎間風加草薢以除下  
焦熱又當隨證酌量也

加味六君子湯 治四肢不舉屬於脾土虛衰者  
須用此顛治其本不可加入風藥

六君子每味一錢加竹瀝牛小麥冬三錢加薑  
三片棗二枚口渴去半夏加葳蕤石膏虛  
甚不熱者加附子

按中風門中從不錄用此方所謂治末而忘其  
本也夫風淫末疾四肢不舉乃風淫於內虛者  
多實者少審其果虛則以六君子加其寒藥如  
竹瀝麥冬之屬允爲治虛風之儀式也

薏苡仁湯 治痺在手足溼流關節并治手足流  
注疼痛麻木不仁難以屈伸

薏苡仁 當歸 芍藥 桂心 麻黃 甘草

蒼朮 米泔浸炒 加薑煎

此治風溼相搏關節不利之證故以薏苡仁爲君舒筋除溼其力和緩當倍之又倍加之至於麻黃雖能通陽氣然在溼勝方中卽無汗不可多用減之又減可也

人參補氣湯 治手指麻木

人參 黃耆 二錢 升麻 柴胡 芍藥 生甘草

炙甘草 五味子 五分

按諸陽起於指手指麻木風已見端宜亟補其氣以禦外入之風故用此爲綢繆計也

烏頭粥

治痺在手足風淫末疾并治風寒溼痺

木不仁

此粥大治手足不隨及腫痛不能舉者宜服此預防之

烏頭

生研爲末

每用香熟白晚米二合入藥末四

錢

以砂礮煮

作稀粥不可太稠下生薑汁一匙

白蜜三匙

攪勻空心溫啜之爲佳如中溼多更

加苡仁末三錢

按四肢爲諸陽之本木根之地陽氣先已不用



况周身經絡之末乎。故用烏頭合穀味先從營衛所生之地。注力俾四末之陽以漸而充也。

桂枝五物湯 治在上之痺

方見卷三上桂枝湯附方內

此乃金匱治血痺之方也。血痺而用桂枝湯加黃耆。以其風邪獨勝。風性上行。故其痺在上也。其脈微濇。寸口關上小緊。緊處乃邪着之驗也。然又曰寸口關上微尺中小緊。外證身體不仁如風痺狀。此方主之。又可見風性善行。隨其或

上或下又皆主以此方矣

桂枝湯為中風一證羣方之祖不但中絡

即中經中腑中臟藥中皆當加入本方以風從外入者究竟必驅從外出故也後人競用續命湯為加減此方置之不錄未免得流忘源矣又况源流俱失者哉

十味劉散 治在臂之痺又治中風血弱臂痛連

及筋骨舉動難支

附子

炮黃耆

當歸

白芍

錢一

川芎

防風

白朮

分七

茯苓

肉桂

分五

熟地

酒洗焙乾二錢

薑三片

棗二枚臨臥服

按臂痛乃筋脈不舒體盛者可去其筋脈中之

風然既已血痺所受風燥之累不淺故取此方  
養血之中加附子之力通其陽氣而用防風反  
佐黃耆出其分肉腠理之風也

通痺散 治腰以下至足風寒溼三氣合而成痺

兩足至臍冷如水不能自舉或因酒熱立冷水  
中久成此疾

天麻 獨活 當歸 川芎 白朮 藁本等分

末之每服二錢熱酒調下

此方因風寒溼三氣混合入於陰股其邪已過

於營衛故變桂枝五物之制而用此散緩緩分  
出其邪也

史國公藥酒方 治中風語言蹇澀風中舌本手足拘

攣風燥其筋而血不濡也半身不遂邪併於虛痿痺不仁風而兼淫

頑痲痿也

晚蠶砂炒鼈甲醋炒虎脰骨酥炙松節杵防風 杜

仲薑汁炒川草薢斷絲川牛膝酒浸當歸酒洗白木土炒

羌活二兩蒼耳子炒秦艽四兩枸杞五兩茄根八兩

爲粗末絹袋盛浸無灰酒三十觔煮熟退火

毒服每日數次常令醺醺不斷

防風羌活蒼耳秦艽松節茄根蠶砂革薺既以

祛風兼以燥溼

松節能除骨節間之風茄根散血消腫能療凍瘡亦散寒之品

當歸枸杞杜仲牛膝補陰潤燥養血榮筋白朮

補氣而健脾

脾主四肢

虎脰驅風而壯骨

風從虎故虎骨治風

虎雖死猶立不仆其氣力皆在前脰且脰甲亦脰骨能入手足若腰脊痛又當用脊骨

厥陰血分之藥能益陰血而去肝風風溼去氣

血旺則病除矣

治風治痺藥酒方亦不為少此方平中之奇功效顯著後有增

入白花蛇一條者此又以膠胃漫試其毒所不取也

三因白散子 治肝腎中風涎潮壅塞不語嘔吐

痰沫頭痛眩暈兼治陰證傷寒六脈沉伏及霍

亂吐瀉小便淋滴不通

大附子

去皮生滑石

桂府者五錢

半夏

製七錢半

爲末每

用二錢薑七片蜜半匙煎空心冷服

按此方甚超但不明言其所以然且引兼治陰

證傷寒霍亂吐瀉等證爲言轉覺泛而不精矣

蓋此卽濁陰上逆之證緣肝腎之氣厥逆而上

是以涎潮壅塞舌瘖不語痰沫吐咯難出頭目

重眩故非附子不能驅其濁陰然濁陰走下竅者也濁陰既上逆其下竅必不通故用滑石之重引濁陰仍順走前陰之竅亦因附子雄入之勢而利導之也更慮濁陰遇胸中之溼痰兩相畱戀再加半夏以開其痰涎涎沫與濁陰俱下矣

獨活湯

丹溪

治風虛癱瘓昏憤不覺或為寒熱

筋急而縮為癱緩而縱為瘓伸縮不已為癱瘓俗謂之搐是也木曰曲直之象也肝虛而風乘之入於血脈則癱瘓若在皮膚則為寒熱若移邪於所生則昏憤不覺也所生心也木能生火

獨活 羌活 防風 細辛 桂心 白微

當歸 芎藭 半夏 人參 茯神 遠志

葛蒲錢五 甘草錢炙二 每服一兩加薑棗煎

肝屬風木而主筋故癰痿為肝邪肝欲散急食

辛以散之二活防風祛風細辛桂心溫經半夏

除痰芎歸辛散風而溫和血血活則風散辛以

散之即辛以補之也木喜條達故以散為補 心為肝子肝

移熱於心則昏憒故以人參補心氣葛蒲開心

竅茯神遠志安心神白微鹹寒退熱而治厥使



風靜火息血活神寧而癰癰自已矣

防風通聖散

治諸風潮搐手足癰癰大便結邪

熱暴甚肌肉蠕動一切風證

方見卷五下表裏門

祛風至寶丹

治諸風熱

方見卷五下表裏門防風通聖散附方內

獨活寄生湯

千金

治肝腎虛熱風溼內攻腰膝作

痛冷痺無力

屈伸不便

肝主筋腎主骨靈樞曰能屈而不能伸者病在

筋能伸而不能屈者病在骨

獨活

桑寄生

如無真者以續斷代之。

秦艽

防風

細

辛

當歸

酒洗

芍藥

酒炒

川芎

酒洗

熟地黃

杜仲

薑汁

炒斷

牛膝

人參

茯苓

甘草

桂心

等

分每服四錢

獨活細辛入少陰通血脈偕秦艽防風疏經升陽以祛風桑寄生益氣血祛風溼偕杜仲牛膝健骨強筋而固下芎歸芍地所以活血而補陰參桂苓草所以益氣而補陽辛溫以散之甘溫以補之使氣血足而風溼除則肝腎強而痺痛

愈矣

丹溪曰久腰痛必用官桂以開之方止腹脇痛者亦效

除獨活寄生加羌活續斷名羌活續斷湯

資壽解語湯 治中風脾緩舌強不語半身不遂

防風 附子 天麻 棗仁錢一 羚羊角錢一 官桂

八分 羌活 甘草五分 加竹瀝二匙 薑汁二滴

喻嘉言曰此方乃治風入脾臟舌強不語之證

至於少陰脈繫舌本腎虛風入舌不能言呿緊

之候古今從無一方及之予每用此方去六防

加熟地何首烏枸杞子甘菊花胡麻仁天門冬

治之獲效。今特識於此方之下。聽臨病之工酌用焉。

不換金丹

退風散熱治中風口喎

此方祛風之力頗大大勢

風而挾寒痰氣室閉者宜之。

或塗髑處亦可

荊芥穗

甘草

炙

防風

天麻

殭蠶

兩

薄荷

葉

三兩

羌活

川芎

白附子

烏頭

蠍梢

藿香葉

兩半

煉蜜丸彈子大每服一丸細嚼茶

酒任下

搜風順氣丸

治風燥便秘因致氣閉不行暫時

用之以疏風潤燥順氣殊不可少。本方條下過服百病皆除。老者還少。豈理也哉。然又云孕婦勿服。如服藥覺臟腑微痛。以羊肚肺羹補之。則其藥有偏峻。不可久服明矣。

車前子

二兩

白檳榔

火麻子

微炒

牛膝

酒浸

李仁

湯泡去皮另研

菟絲子

製

乾山藥

二兩

枳殼

炒

獨活

一大兩

大黃

五錢半生半熟

煉蜜丸

桐子

大

每服

二十九

酒茶

米飲

任下

空心

臨臥

各一

服去腸

中宿滯

并腸風

下血

順風勻氣散

治中風

中氣

半身不遂

口眼

喎斜

半身不遂偏枯也。經曰：胃脈沉鼓澀，胃外鼓大，心脈小堅急，皆偏枯。男子發左，女子發右，不瘖舌轉可治。蓋心是神機，開發之本。胃是水穀充大之標，標本相得，則腹中氣海之宗氣盈溢，分布四臟三焦，上下中外，無不周徧。若標本相失，宗氣虛耗，分布不周於經脈，則偏枯。不周於五臟，則瘖口眼喎斜者，是陽明之脈使口環唇寒，則筋急；熱，則筋弛。左寒右熱，則左急而右緩；右寒左熱，則右急而左緩。陽明燥金主緊縮，風病而成筋縮，木極似金，反兼勝已之化，燥之甚也。治宜辛涼，不可用桂附。元戎曰：酒淫之病，亦能作痺證。目眼喎斜，半身不遂，舌強不正，渾似中風，當瀉溼毒，不可作風病治。及風氣腰痛，之而汗也。衍義易簡言與此同。

白朮

錢二

烏藥

錢半

人參

天麻

分五

沉香

磨

甘草

炙

青皮

木瓜

蘇葉

白芷

分三

加薑煎

加薑煎

按勻氣之說甚長。身內之氣有通無壅。外風自不能久居而易於解散。故知勻氣卽調氣之旨也。若取其方以治口眼喎斜之右急左緩者。當倍用生熟甘草加苡仁以緩其急。加麥冬竹瀝以熄其風。得效去白芷蘇葉可多服也。戴復庵之法初得之卽當順氣及其久也卽當活血。若不順氣遠用烏附若不活血遠用羌防天麻輩未見其能治也。

攝生飲調蘇合丸 治一切卒中不論中風中寒中暑中溼中氣及痰厥飲厥之類初起或可用

此先以皂角去皮弦細辛生南星半夏爲末吹入鼻中俟其噴嚏卽進前藥牙禁者中指點南

星半夏細辛末并烏梅肉頻搽自開

半夏

百沸湯泡少頃一錢半

南星

圓白者溼紙裹煨

南木香

蒼

術

細辛

生甘草

石菖蒲

錢一

右件剉散

分二服加生薑七厚片煎取其半乘熱調蘇合

丸半丸灌下痰盛者加全蠍二枚灸

按此方治卒中氣閉痰迷不得不用之劑但正氣素虛之人不能當腦麝及辛香摧枯拉朽之



凡中風證  
多挾中氣  
不但急中  
為然。

勢裁節而用十之二三可也

諸香立散真氣虛風證大非所宜。

牛黃清心丸與蘇合丸異治熱阻關竅可用牛黃丸開之。寒阻關竅可用蘇合丸開之。其口開手撒遺尿等死證急用人參附子峻補間有得生者。若牛黃蘇合之藥入口即斃此無異于釣絲也。

# 烏藥順氣散

治風氣攻注四肢骨節疼痛遍身

頑痲及癱瘓語言蹇澀腳氣步履多艱手足不

遂先宜服此藥以疏氣逆然後隨證投以風藥

麻黃

去節

陳皮

去白

烏藥

二兩

白殭蠶

炒去嘴

川芎

白

芷

炙

甘草

炙

枳殼

炒

桔梗

一兩

乾薑

五錢

為末

每

服三錢水一盞薑三片棗二枚煎如憎寒壯熱頭痛身體倦怠加葱白三寸煎併服出汗或身體不能屈伸溫酒調服

八味順氣散 治中風正氣虛痰涎壅盛

白朮炒 白茯苓 青皮去穢炒 白芷 陳皮去白

烏藥 人參錢一 甘草五分

經曰邪之所湊其氣必虛故用四君子以補氣治痰之法利氣為先故用青皮白芷烏藥陳皮以順氣氣順則痰行而無壅塞之患矣此標本

兼施之治也

嚴用和云人之元氣強壯營衛和

七情飲食勞役致真氣先虛營衛空疎邪氣乘虛而入故致此疾若內因七情而得者法當調氣不當治風外因六淫而得者亦當先調氣後以所感六氣治之此良法也宜八味順氣散嚴氏此說於理甚當其方較局方烏藥順氣散不用麻黃枳桔梗蠶等風藥正先治氣後治風之妙旨後人反惜其說有未備且謂方中不當雜人白芷吹毛責備詎知白芷香而不燥正和營衛之善藥也和劑合兩方取用人參乾薑川芎陳皮桔梗厚朴白芷甘草白朮麻黃更加葛根治感風頭痛鼻塞聲重尚為合宜故知論方不可橫以已見也

通頂散

治初中風不知人事

風鼓火盛口噤不

開

風冷之氣客於胸中滯而不能發

藜蘆 甘草生用 細辛 人參 川芎錢一 石膏錢五

為末用一字吹入鼻中有嚏者肺氣未絕可

治

中風不省人事病已急矣非平藥可以開其壅

塞故用藜蘆與人參細辛取其相反而相用也

藜蘆苦寒有毒人曰即吐能通腦頂令人嚏與人參細辛相反細辛散風通竅瀝經破痰肺

苦氣上逆加石膏之重以降之氣即火也痰隨火湧故用石膏

辛寒入肺降火 甘草之平以緩之芎藭之用取其清氣

利竅而已芎藭升清陽而開諸鬱為通陰陽氣血之使凡諸卒中尸厥鬱結皆當

發表還魂湯用麻黃桂枝清魂湯用荆芥及用  
皂角半夏搐鼻取嚏繫蘆砒石折齒取痰皆所  
以開發三焦使表邪流通也中  
暑忌用冷水閉表亦同此意

瀉青丸 治中風自汗昏冒發熱不惡寒不能安

臥此是風熱躁煩之故也

當歸 川芎 梔子 羌活 大黃 防風

龍膽草等分 蜜丸彈子大每服一九竹葉湯化

下

按此方以瀉青爲名者乃瀉東方甲乙之義也  
風入厥陰風木之臟同氣相求其勢必盛所慮

者虛而眩運熱而躁煩虛也熱也其可以爲壯  
實而輕瀉之乎審果壯實乃可施此審屬虛熱  
必以四物湯全方加人參竹瀝秦艽羌活八味  
爲劑始合法度也

舒筋保安散 治左癱右瘓筋脈拘攣身體不遂  
腳腿少力乾溼腳氣及溼滯經絡久不能去宜  
用此以宣導諸氣

虎骨

酒炙 草薢

五靈脂

牛膝

酒浸 續斷

白殭

蠶

炒 松節

白芍藥

烏藥

天麻

威靈仙

黃耆 當歸 防風一兩 木瓜五兩 用無灰酒

一斗浸上藥二七日緊封扎日足取藥焙乾搗  
爲細末每服二錢用浸藥酒調下酒盡用米湯  
調下

此治風溼搏結於筋脈之間凝滯不散阻遏正  
氣不得通行故用藥如是也

加味羚羊角散 治筋痺肢節束痛

羚羊角 當歸 白芍 川芎 附子 薄荷

獨活 防風 加薑三片

此方治筋痺之義甚善。蓋筋痺必以舒筋為主。宜倍用羚羊角爲君。筋痺必因血不榮養。宜以白芍川芎更加當歸爲臣。然恐羚羊角性寒。但能舒筋。不能開痺。必少用附子之辛熱爲反佐。更少用薄荷獨活。防風入風寒溼隊中而爲之使也。

如聖飲

節菴

治剛柔二瘳而赤項強頭搖口噤角

弓反張與癱瘓同法

瘳者太陽中風重感寒溼而爲病也。風則燥而動。寒

則引而緊。溼則着而拘。故頭搖口噤。項強而反張也。風挾寒則血滯無汗爲剛。瘳風挾溼則液



出有汗  
爲柔瘧

羌活 防風 白芷 柴胡 甘草 黃芩

半夏 川芎 芍藥 當歸 烏藥 加薑煎

入薑汁竹瀝服柔瘧加白朮桂枝剛瘧加蒼朮  
麻黃口噤齧牙大便實加大黃

羌防芎芷柴胡甘草辛甘以發散風邪用烏藥  
者治風須順氣也用歸芍者治風先活血也用  
半夏薑汁竹瀝者風必挾痰也用黃芩者風必  
生熱也柔瘧加白朮桂枝有汗欲其無汗剛瘧

加蒼朮麻黃無汗欲其有汗口齒屬陽明陽明  
實則口噤齧牙而便秘故加大黃以泄胃熱也

上中下通用痛風方

丹溪

黃檗

酒炒

蒼朮

洗

南星

薑製

神麴

炒

調

川芎

行

桃

仁

去皮

龍膽草

下

防已

行

白芷

一兩

行

羌活

上

威

靈仙

酒拌

桂枝

三錢

紅花

二錢

麴

半

麴

糊丸

痛風有寒有溼有熱有痰有血之不同此方能

通治之

黃檗

清熱

蒼朮

燥溼

此二妙散也

龍膽

正藥

龍膽

濕火防已行水四者所以治溼與熱也南星燥

痰散風桃仁紅花活血去瘀川芎爲血中氣藥  
四者所以治痰與血也羌活祛百節之風白芷  
祛頭面之風桂枝威靈仙祛臂脛之風四者所  
以治風而又兼治寒也加神麴者所以消中州  
陳積之氣也疎風而兼祛寒以宣於上瀉熱利  
溼以泄於下活血燥痰消滯以調其中所以能  
兼治而通用也證不兼者以意消息可矣

丹溪曰大

法痛風用蒼朮南星川芎當歸白芷酒芩在上  
者加羌活桂枝威靈仙在下者加牛膝防已木  
通黃蘗薄桂能橫行手臂  
領南星蒼朮諸藥至痛處

三化湯

治中風二便數日不行邪氣內實者以

此方微利之

嘉言曰風中經絡只宜宣之使散

無窮若夫中臟之候多有平素積虛臟真不守者下之立亡不可不慎唯在胃腑一證內實便祕者間有可下然不過解其煩熱非大下也所謂一氣之微汗一句之微利亦因可用始用之至於子和以下立法機要以中臟者宜下為言則指下為定法胡可訓耶然中臟有緩急二候中腑日久熱勢淡極傳入臟者此屬可下而下必使風與熱俱去虛其空竅則風不再生若開其壅滯必反增風勢何以下為哉其卒虛身中急證下藥入口其人即不甦矣可無辨與後世以中腑之便祕指為中臟見其誤下不致損人益信子和機要之法為可用設遇真中臟證下不中病難可復追矣

方見卷四上攻下門附方內

大黃厚朴枳實小承氣湯也上焦滿治以厚朴  
中焦滿破以枳實下焦實奪以大黃用羌活者  
不忘乎風也服後二便微行則三焦之氣無所  
阻塞而復其傳化之職矣故曰三化此乃攻裏之峻劑非  
堅實之體不可輕服蓋傷寒證胃熱腸枯不得  
不用大承氣以開其結然且先之以小承氣或  
調胃承氣恐誤用不當即傷人也  
在中風證多有虛氣上逆關隘阻閉之候斷無用大承氣之  
理  
古方取藥積腹中不下以漸填其空竅俾內  
風自熄奈何今人每開竅以出其風豈知竅空  
而風愈熾長  
此安窮也哉

血痺湯

治血痺多驚筋脈攣急

人參

黃耆

肉桂

當歸

川芎

代赭石

羌活

厥陰肝臟所主者血也。所藏者魂也。血痺不行其魂自亂。今不通其血而但治其驚。此不得之數也。故用人參以開血。爲君。黃耆肉桂當歸川芎爲臣。以代赭石之顓通肝血者佐參耆之不足。少加羌活爲使。蓋氣者血之天也。氣壯則血行。然必以肉桂當歸大溫其血。預解其凝泣之

勢乃以代赭之重墜直入厥陰血分者開通其  
瘀壅而用羌活引入風痺之所緣厥陰主風風  
去則寒溼自不存爾

三痺湯 治氣血凝滯手足拘攣風寒溼三痺

人參 黃耆 茯苓 甘草 當歸 川芎

白芍 生地黃 杜仲 薑汁炒 牛膝 桂心

細辛 秦艽 川獨活 防風 等分加薑棗

煎

喻嘉言曰此方用參耆四物一派補藥內加防

風秦艽以勝風溼桂心以勝寒細辛獨活以通腎氣凡治三氣襲虛而成痺患者宜準諸此

千金地黃湯 治熱風心煩及脾胃熱壅食不下

生地黃汁 枸杞子汁 荆瀝 竹瀝五升真酥

生薑汁一升人參 天門冬八兩白茯苓六兩大黃

梔子四兩以後五味爲細末先煎地黃等汁

內末藥調服方寸匙再漸加服以利爲度

按此方補虛清熱潤燥滌痰除風開通瘀蘊美善具備誠足貴也因養血豁痰難於兩用姑舉



此方爲例以聽臨證酌量又四肢不舉俱屬脾  
土而虛實分途異治苟其虛實不甚相遠此方  
更在所必用法無窮盡人存政舉未易言爾

烏梅擦牙關方

治中風口噤不開

胃陽明之脈循頰車入齒

縫風寒中之輕則戰慄鼓領重則口噤不開有中風而口開不噤者筋先絕也不治

烏梅

揩擦牙齒涎出卽開

酸先入筋木能尅土

酸屬木陽明胃屬土

使牙關酸軟則

開矣若以鐵匙攪之恐傷其齒也

許胤宗治唐柳太后病風脈沉而噤胤宗曰口不

下藥宜以湯氣蒸之令藥入腠理周時可瘥遂造黃耆防風湯數十斛置於牀下氣如煙霧次日便得語蓋鼻氣通於天無形之氣由鼻而入呼吸傳變無處不到黃耆甘而善補得防風而功益速驅風補虛兩得之矣

王克明治盧州王守道風噤不能語以熾炭燒地熱灑以湯藥置病者於上須臾小蘇若此二者危藥不能及亦治風之權變也

清震湯

治雷頭風頭面疔瘡腫痛憎寒壯熱狀

如傷寒

一云頭如雷。鳴風動作聲也。東垣曰。病在三陽。不可過用寒藥重劑。誅伐無過。

處清震湯治之。三陽之氣皆會於頭額。從額至巔。絡腦後者屬太陽。從額至鼻下面者屬陽

明。從頭角下耳中耳之前後者屬少陽。

升麻

蒼朮

錢五

荷葉

一枚

升麻性陽味甘氣升能解百毒蒼朮辛烈燥溼

強脾能辟瘴癘局方升麻湯也荷葉色青氣香

形仰象震

震仰盂為雷述類象形以治之

能助胃中清陽上行

用甘溫辛散之藥以升發之使邪從上越且固

胃氣使邪不傳裏也

吳氏醫學述第四種成方切用目錄

上海圖書館藏

卷六下

祛寒門 附方五十三

理中湯 附子理中湯 中安就丸 桂枝人參湯 枳實理中湯

溫中湯 補中理陰煎 六味回陽飲 四逆湯

湯 連理湯 四逆加人參湯 茯苓四逆湯 芍藥甘草附子湯

歸四逆湯 甘草乾薑湯 茵陳四逆湯 白通湯 茱萸四逆湯 當歸四逆湯

湯 回陽返本湯 藥水散 當歸四逆湯 茱萸生薑湯

真武湯 附子吳茱萸湯 大建中湯

小建中湯 黃耆建十四味建中湯 八味大建中湯 樂令建中湯

養中煎 白通加人尿豬膽汁湯 附薑湯 薑

附白通湯 附薑歸桂湯 附薑歸桂參甘湯

辛溫平補湯 甘寒補氣湯 益元湯 回陽救

急湯 栝蒌瞿麥丸 中滿分消湯 溫胃飲

四神丸 二神丸 散 澹寮四神丸 五味子 烏頭赤石脂丸 五君

子煎 感應丸 九痛丸 黃芽丸 導氣湯

附子粳米湯 胃關煎 佐關煎 抑扶煎 天

台烏藥散 薏苡仁附子散 四維散 疝氣方

梔附湯 鎮陰煎 橘核丸 歸氣飲 煖肝煎 補

火丸

金液丹

來復丹

半硫丸

靈砂丹

黑鉛

丹 黑錫丹

五德丸

七德丸

唐鄭相國方

青娥

起丸 喝

復陽丹

三氣飲

壽脾煎

一炁丹

九炁丹

聖術煎

吳氏醫學述第四種

門人周蘭九生庭

武原吳儀洛遵程輯

男

有榆蒼培同較  
有杜雋望

成方切用

祛寒門

寒之為病有陰邪犯於表者有生冷傷於內者有陰寒中於臟者此皆外

來之寒人所易知者也至於本來之寒初無所感莫測其因人之病此者最多世之知此

者最少丹溪曰氣有餘便是少夫今人之氣有餘者能十中之幾其有或因稟賦或因喪

敗以致陽氣不足者多見寒從中生而陽衰之病無所不致第其由來者清形見者從當

其未覺也。就爲之意。及其既甚也。始知難治。矧庸醫多有不識。每以假熱爲真。火因復斃。於無形無響。又不知其幾也。故惟高明見道之士。常以陽衰根本爲憂。凡祛寒之法。如乾薑能溫中。亦能散表。嘔惡無汗者。宜之。肉桂善行血。善達四肢。血滯多痛者。宜之。吳茱萸善緩下。焦腹瀉者。極效。肉荳蔻可溫脾。胃。殭泄滑利者。最奇。胡椒溫胃和中。其類近於華接。丁香止嘔行氣。其煖過於豆仁。補骨脂性降而善閉。故能納氣定喘。止帶濁泄。凡此之類。皆性如酒。故無處不到。能救急回陽。有其要。以散兼溫者。散寒邪也。以行兼溫者。行寒滯也。以補兼溫者。補虛寒也。第多汗者。忌薑。薑能散也。失血者。忌桂。桂動血也。氣怯者。忌故紙。故紙降氣也。大凡氣香者。皆不利。於氣虛證。味辛者。多不利。於見血証。所得當慎也。至於附子。今人必待勢不可爲。不得



已然後用之。不知回陽之。當用於陽氣將去之際。便當漸用。以望挽。回。若用於既去之後。死灰不可復然矣。但附子性悍。獨任為難。必得大甘之品。如人參熟地炙甘草之類。皆足以制其剛而濟其

# 理中湯

仲景

## 治傷寒太陰病自利不渴

王海藏曰

上吐下瀉

不止。當渴而反不渴。脈微細而弱者。為欲熱。利陰寒直中之。三陽傳陰經而下利者。為寒。利三陽為熱。太陰下利。手足濕。少陰厥陰下利。身冷。其大較也。下利雖有表證。不可發汗。以下利。寒多而嘔。腹痛。為邪氣內攻。走津液而胃虛也。寒多而嘔。腹痛。為邪氣太陰脾經也。腹滿而吐。食不下。自利。腹痛。便溏。皆虛寒所致。外邪傳裏而腹痛者。其痛不常。陰寒在內而腹痛者。痛無休止。時欲作利。

戊子方月寒

卷六理中湯

二

大腹屬太陰少腹屬少陰  
屬厥陰亦有扶食積與痰火者  
脈沉無力或厥

逆拘急寒外或結胸吐寒凝及感寒霍亂陰

不和而霍霍或吐或瀉亦有凡中宮虛寒

氣不能助諸證俱宜用此分理陰陽安和胃氣

白朮陳壁土乾薑炮甘草炙人參雨白利腹

痛者加木香不痛利多者倍白朮渴者倍白朮

益氣燥故能生津踈臥沉重利不止加附子此兼少腹

滿去甘草甘嘔吐去白朮加半夏薑汁白朮

薑夏臍下動氣去朮加桂白朮補氣悸加茯苓

飲停則悸。茯苓發黃加茵陳寒實結胸加枳實本

方等分蜜丸名理中丸仲景曰大病瘥後喜嘔

理中丸溫之。宋徽宗食米太過病脾疾。國醫

不效。召楊介進大理中丸。上日服之。屢奏介曰

疾因食米。臣請以米煎此藥。是治受病之源也。果愈。

人參補氣益脾故以為君白朮健脾燥溼故以

為臣甘草和中補土故以為佐乾薑溫胃散寒

故以為使以脾土居中故曰理中人身土院清

濁氣居多。而其所以能升清降濁者。全賴中氣為之主。本方加附子一枚名附子理中湯亦可作丸。即

治中寒腹痛身痛四肢拘急漸傷口傷卒中

附中經絡皮肉筋脈之殊治之當分微甚微則

用不換金正氣散加附子附子五積散甚者臍

腹痛四肢厥用附子理中湯薑附湯入肝加木

神加桂枝倍甘草名桂枝人參湯景仲治太陽表

證不陷而數下之協熱而利心下痞鞭表裏不

解者欲解表裏之邪至藉中氣為數在故用理

名桂枝者到底先表之意也大抵陽熱為邪加

則腹滿而咽乾陰寒為邪則腹滿而吐付  
枳實茯苓蜜丸名枳實理中丸治寒實結  
胸欲絕胸膈高起手不可近用大陷胸不瘥者

崔行功曰此是下後虛逆氣已不理而毒復上

以氣毒相搏結於胸者用此九先理其氣次療

諸疾其效如神湯考加去甘草加茯苓川椒烏

花粉自汗者加牡蠣粉

梅名理中安蚘丸文隆仲治胃寒吐蚘動故去甘

草得酸則止得辛則伏故加椒梅加當歸白芍陳皮厚朴川椒

久薑煎名溫胃湯治憂思鬱結脾肺氣凝脹滿

上衄飲食不下加黃耆白芍陳皮藿香名黃耆

湯海藏亦出加青皮陳皮名治中湯治前證腹

滿痞悶兼食積者加陳皮茯苓名補中湯治泄

瀉瀉不已加附子惡食食不化加砂仁加黃連

茯苓名連理湯治傷暑瀉而作渴若外感盛暑

非此不可

理陰煎治真陰虛弱脹滿嘔逆痰飲惡心吐瀉

腹痛婦人經遲血滯等證

熟地或三五七錢當歸二錢或三七錢乾薑或黃色一

甘草或一二錢或加肉桂一二錢加附子名附子

理陰煎若風寒外感邪未淡力但見發熱脈

數不洪凡內無火證素稟不足者但用此湯加

柴胡一錢半或二錢連進一二服其效如神若

寒凝陰盛而邪有難解者必加麻黃一二錢放  
心用之或不用柴胡亦可恐其清利也若陰  
勝之時外感寒邪脈細惡寒或背惡寒者乃太  
陽少陰證也加細辛一二錢甚者再加附子一  
二錢若陰虛火盛其有內熱不宐用溫而氣  
血俱虛邪不能解者宐去薑桂單以三味與之  
加減或止加人參亦可若脾腎兩虛水泛爲  
痰或嘔或脹者加茯苓一錢五分或加白芥子  
五分以行之若泄瀉不止及腎瀉者宐少用

方  
卷  
之  
二

當歸或并去之加山藥菟豆吳茱萸破故紙肉

荳蔻附子若腰腹有痛加杜仲牛膝若腹

有脹滯疼痛加陳皮木香砂仁

此理中湯之變方也凡脾腎中虛等證宜剛燥

者當用理中六君之類宜溫潤者當用理陰大

營之類又凡真陰不足或素多勞倦之輩因而

忽感寒邪不能解散或發熱或頭身疼痛或而

赤舌焦或雖渴而不喜冷飲或背心肢體畏寒

但脈見無力者悉是假熱之證若用寒涼攻之



必死。宜速用此。加減以溫補陰分。托散表邪。連進數服。使陰氣漸充。則汗從陰達。而寒邪不攻自散。此最切於時用者也。

六味回陽飲 治命門火衰陰中無陽陰陽將脫

等證

人參

或一二兩或數錢

製附子

錢二三

炮乾薑

錢二三

炙甘草

一錢熟地

五錢或一兩

當歸身

三錢如泄瀉者或動血者以冬木代之

如肉振汗多者加炙黃耆四五錢或一兩或冬

白朮三五錢

如泄瀉者加烏梅二枚或北五

味二十粒

如虛陽上浮加茯苓二錢

如肝

經鬱滯加肉桂二三錢

四逆湯

治三陰傷寒

四逆湯為少陰主藥然

用此者

身痛腹痛下利清穀

三陰裏寒惡寒不

渴四肢厥冷

治四肢厥逆故名四逆湯四肢者

能敷布故一身盡冷也

或反不惡寒面赤煩躁

外裏寒外熱或乾嘔

寒飲或咽痛上炎脈沉微

細欲絕

少陰脈有沉有緊有數而仲景經以微

細中見不似陽證浮大而緊數也薛慎齋曰人知數為熱不知沉細中見數為寒其真陰寒證

口通法一  
市愈顧者  
有到也  
得仙述之  
後者之也  
風樓記

脈管有七八至者但按之無力而宜淡察之

附子生用一枚乾薑兩甘草炙二兩

冷服面赤者

格陽於上也加葱九莖以通陽喻嘉言曰陽虛之人雖有表證

其汗仍出其手足必厥纔用表藥立至心陽不用表藥外邪不服故用前湯加葱為治腹

痛真陰不足也加芍藥二兩以斂陰咽痛陰氣

上結也加桔梗一兩以利咽利止脈不出加人

參二兩以助陽補氣血嘔吐加生薑二兩以散

逆氣

寒淫於內治以甘熱故以薑附大熱之劑伸發

陽氣表散寒邪附子生用甘草亦補中散寒之

品又以緩薑附之僭上也甘草為君乾薑為臣附子為使必冷

服者寒盛於中熱飲則格拒不納經所謂熱因

寒用又曰治寒以熱涼而行之是也此制奇之大劑也肝

腎道遠非大劑不能達仲景云傷寒醫下之續

得下利清穀腹滿身痛者急當救裏宜四逆湯

清便自調身痛者急當救表宜桂枝湯蓋身痛

向屬表證急則先救裏而後解表也厥陰篇曰

大汗出熱不去內拘急四肢痛又下利厥逆而

惡寒者四逆湯主之按厥陰證下利譌語有燥

屎脈沉疾按之有力者為陽厥止宜下以小承

氣湯如脈沉遲按之無力者則為陰厥宜四逆

湯更須速灸之凡傳經熱邪則為陽厥溺赤而

喜飲冷直中真寒則為陰厥脈沉而喜飲熱湯

經曰凡陰陽不相順接便爲厥手足逆冷是也。  
三陰三陽之脈俱相接於手足陰主寒陽主  
熱陽氣內陷不與陰氣相順接則手足逆冷

加人參一兩名四逆加人參湯治惡寒脈微復

利利止亡血

利雖止而津液已竭故云亡血

再加茯苓六兩名

茯苓四逆湯治汗下後病不解而煩躁去乾薑

加芍藥三兩名芍藥甘草附子湯治傷寒發汗

不解反惡寒者虛故也

百問曰汗後惡寒人必虛下後發熱人必實

除附子用甘草四兩乾薑二兩名甘草乾薑湯

治傷寒脈浮自汗小便數微惡寒腳攣急用桂

枝湯誤攻其表得之便厥咽中乾煩躁吐逆與

此湯以復其陽

脈浮自汗便數惡寒陽不足也攻表重虛其陽得之便厥故與

甘草益氣

俟厥愈足溫重與芍藥甘草湯

各四

以和陰

慮辛熱傷陰隨與此湯和陰以復其津液證雖鄰於少陰而不敢用四逆其

腳即伸除甘草加葱白四莖名白通湯

復陽通脈加

吳茱萸名茱萸四逆湯治少陰厥陰腹痛加當

歸木通名當歸四逆湯治感寒手足厥冷脈細

欲絕及寒疝臍下冷引腰膝痛

寒傷營血故加當歸木通能通

血脈

仲景當歸四逆湯見後

加茵陳名茵陳四逆湯治陰黃

加生脈散陳皮名回陽返本湯治陰盛格陽加

官桂良薑半夏名漿水散治虛寒水瀉冷汗

脈微甚者嘔吐此為急病

當歸四逆湯治厥陰傷寒手足厥寒脈細欲

絕

當歸 桂枝 芍藥 細辛三兩 甘草炙 通草木

通二 大棗二十枚 仲景文曰其人素有久寒者

加吳茱萸二升 生薑六升 和煮名四逆加吳

茱萸生薑湯

四逆之名多矣而有因寒因熱之不同此則因風寒中血脈而逆故以當歸辛溫血中之氣藥爲君通脈散逆必先去血中之邪故以桂枝散太陽血分之風細辛散少陰血分之寒爲輔未有營衛不和而脈能通者故以芍藥甘草大棗調和營衛通草利九竅通血脈關節諸藥藉之以破阻滯而厥寒散矣

真武湯

仲景

治少陰傷寒腹痛小便不利四肢沉

重疼痛自下利者此爲有水氣或咳或嘔或小



便利傷寒脈沉細欲吐不吐心煩但欲寐五六

於陽寐則氣行於陰然必自少陰證凡人寤則氣行

但欲寐陰氣勝也一有陽擾則反是矣周揚俊

曰但欲寐非能寐昏昏如夢爾少陰屬腎腎病

不能制水水飲停為水氣腹痛者寒淫內甚也

四肢沉重疼痛寒淫外甚也小便不利自下利

者溼勝而水穀不別也或咳或嘔皆停飲也

及太陽病發汗汗出不解仍發熱心悸頭眩筋

惕肉瞤振振欲擗地氣虛惡寒汗出過多則心

去心虛如魚失水則躁也水停心下亦心悸心

屬火火畏水故悸也虛陽內動故頭眩汗多則

液少不能榮養筋肉故筋惕而跳肉瞤而動而

動也振振欲擗地者內陽無奈欲擗地而入也

程郊倩曰汗多內陽夫人知之然有衛外之陽

為周身之營衛之主此陽虛遂有汗漏不止惡寒

身痛之證。有腫中。之。陽為上。焦。心肺之主。此陽虛。遂有又手冒心。及奔脈之證。有腎中。之。陽。為下。焦。真。元。之。主。此陽虛。遂有發熱。眩。悸。瞤。振。擗。地。之。證。有胃中。之。陽。為中。焦。木。穀。生。化。之。主。此陽虛。遂有腹脹。滿。胃不和。而成。心。下。痞。之。證。救誤者。須觀脈證。知犯何逆。以法治之。腎之真陽盛。則水皆內附。而與腎氣同其收藏矣。腎之陽虛。不能制水。則汎濫為病。故上。凌。心。而為眩。悸。中。侮。土。而致嘔。瀉。也。方名真武。蓋取固腎為義。喻嘉言曰。汗雖出而熱不退。則邪未盡。而正已大傷。況裏虛為悸。上。虛。為眩。經。虛。為瞤。身振振搖。無往而非。亡。陽。之。象。所以行真武把關坐鎮之法也。

附子

炮一枚

白朮

炒二兩

茯苓

白芍

生薑

三兩

水寒相搏咳者加五味子細辛乾薑

氣細辛乾

薑散

水寒。小便利去茯苓。

以其下利去芍藥加乾薑。

芍藥酸寒。嘔去附子。

加生薑一倍。

附子僭上。生薑散逆。

茯苓白朮補土利水能伐腎邪而療心悸生薑

附子回陽益衛能壯真火而逐虛寒芍藥酸收

能斂陰和營而止腹痛。

補陽必兼和陰。不欲偏勝。經曰寒淫所勝治以

辛熱。淫淫所勝佐以酸平。

真武北方之神一龜一蛇司水火

者也。腎命象之。此方濟火而利水。故以名焉。

程郊

倚曰水氣。唯太陽與少陰有之。以二經同司。夫水也。然太陽從表得之。膚腠不宜。水氣為元府所遏。故以小青龍發之。少陰山下焦有寒。不能制服。本水客邪得淡入而動其木氣。緣胃陽衰。

成方切用

寒

卷六

真武湯

七

而。隄防不及也。故用真武湯。溫中鎮水。收攝其陰氣。按青龍主太陽表水。十棗主太陽裏水。真武主少陰裏水。喻嘉言曰。陽明少陽絕無用附子法。唯太陽有不得不用之證。蓋太陽膀胱為腎之腑。腎中陽虛。陰盛勢必傳出於腑。以故纔見脈微惡寒。漏汗惡風。心悸頭眩。筋惕肉瞤。躁擾等證。縱是傳經熱邪。不得不用薑附以消陰而回陽也。

去生薑加人參二兩名附子湯。景仲治少陰病身

體痛手足寒骨節痛脈沉者。此腎主骨寒淫則痛

乃陽虛陰盛而生內寒所致。非外感也。若以外感之痛治之。則殺人矣。故用參附助陽而勝腎寒。加芍藥斂陰。及少陰病得之一二日。口中

背惡寒者。背為胸中之腑。諸陽受氣於胸中。轉

氣內盛則背爲之惡寒。若風寒在表而惡寒則一。身盡寒矣。又有陰氣不足陽氣乘虛內陷陰屯表陽新虛背微惡寒者。經所謂傷寒無大熱口渴心煩背微惡寒者是也。白虎加人參湯主之。一爲陰寒內盛。一爲陽氣內陷。何以別之。蓋陰寒爲病內無燥熱則口中和。陽氣內陷則消燥津液。口燥舌乾而渴也。欲辨陰陽寒熱之不同當以口中燥潤詳之。

# 吳茱萸湯

景仲

治陽明證食穀欲嘔若得湯反劇

者則屬上焦少陰證吐利手足厥冷煩躁欲死

厥陰證乾嘔吐涎頭痛

厥陰之脈挾胃乾嘔吐沫裏寒內格也厥陰之

脈上巔頭痛寒氣上逆也。按三陽皆有頭痛太陰少陰二經之脈不上循頭故無頭痛唯厥陰與督脈會於巔亦有頭痛然風溫在少陰溼溫在太陰而頭反痛是又不可拘拘者李東垣

日太陰頭痛必有痰也少陰頭痛足寒而氣逆也蓋太陰少陰二經雖不上循頭然痰與氣逆壅於膈中頭上氣不得暢而為痛也

吳茱萸

一升

人參

三兩

大棗

十二枚

生薑

六兩

喻嘉言曰此明嘔有太陽亦有陽明若食穀而

嘔則屬胃寒與太陽之惡寒嘔逆原為熱證者

不同

火熱上衝而嘔

恐誤以寒藥治寒嘔也若服吳茱

萸湯反劇者則仍屬太陽熱邪而非胃寒明矣

宜葛根加半夏湯小柴胡湯若少陰證吐利厥逆至

於煩躁欲死腎中之陰氣上逆將成危候

腎中陰盛

上格手陽。故用吳茱散寒下逆人參薑棗助陽而為吐逆。

補土使陰寒不得上干溫經而兼溫中也。吳茱為厥

陰本藥故又治肝氣上逆嘔涎頭痛。

加附子名吳茱萸加附子湯治寒疝腰痛牽引

畢九尺脈沉遲

大建中湯金匱治心胸中大寒痛嘔不能飲食腹

中寒氣上衝皮起出見有頭足上下痛而不可

觸近者陽受氣於胸中。陽虛則陰邪得以中之。陰寒之氣逆而上衝橫格於中。焦故見

高起痛嘔不可觸近之證。心為陽寒為陰寒乘於心冷熱相激故痛寒乘於脾脾冷弱不消

水穀故痛而嘔復不能飲食也

蜀椒二合乾薑四兩人參二兩煎去滓內飴糖一升

微煎溫服

蜀椒辛熱入肺散寒入脾煖胃入腎命補火乾薑辛熱通心助陽逐冷散逆人參甘溫大補脾肺之氣飴糖甘能補土緩可和中蓋人以中氣為主用辛辣甘熱之藥大建其中臟之陽以祛其逆上之濁陰也

小建中湯

治傷寒陽脈濇陰脈弦腹中急痛



邪氣入裏與正相搏則腹痛。瘕者血不足也。者本越上也。太陽在表無腹痛。少陽在半表半裏有胸脇痛而無腹滿。陽明腹滿急痛者裏實也。五下之。大柴胡湯。小承氣湯。三陰下利而腹痛者裏寒也。五溫之。四逆湯。附子理中湯。腸鳴泄瀉而痛者裏虛有寒也。五小建中湯。溫中散寒。傷寒二三日心悸而煩。陰血虛也。氣血內虛。

與此湯先建其裏。倍芍藥者酸以斂陰。陰收則陽歸附也。加飴糖者甘以潤土。土潤則萬物生也。通治虛勞悸衄裏急腹痛夢遺失精四肢痠

痛手足煩熱咽燥口乾虛勞黃疸而色白者是

無熱也。不可除熱。當作虛寒治之。喻嘉言曰。虛勞病至於亡血失精。精血枯槁。難為力矣。急宜建其中。臟使飲食增而陰血旺。故但用稼穡作甘之味。生其精血。而酸辛酸苦在所不用。舍是

無良法也。

桂枝 生薑 芍藥 甘草 大棗

人飴糖 一升 微火解服 故也。此即桂枝加芍

藥湯也。桂有厚薄爾。按此湯以飴糖為君。故不

名桂枝芍藥。而名建中。今人用建中。絕不用飴

糖。失仲景遺意矣。吳鶴皋曰。桂枝當是桂。桂

枝味薄。故用以解表。桂味厚。故用以建裏。

準繩曰。脾居四臟之中。生育營衛。通行津液。一

有不調。則失所育。所行矣。必以此湯溫建中臟。故名建中。脾欲緩。急食甘以緩之。故以飴糖為君。甘草為臣。桂枝辛熱。辛散也。潤也。營衛不足。

潤而散之芍藥酸寒酸收也泄也津液不通收而行之故以桂芍爲佐生薑辛溫大棗甘溫胃者衛之源脾者營之本鍼經曰營出中焦衛出上焦是已衛爲陽益之必以辛營爲陰補之必以甘辛甘相合脾胃健而營衛通故以薑棗爲使李東垣曰傷寒論云陽脈瀉陰脈弦法當腹中急痛以芍藥之酸土中瀉木爲君鉅糖炙甘草溫補脾養胃爲臣水扶木勢亦來侮土肉桂大辛熱佐芍藥以退寒水薑棗辛甘而溫發散陽氣行於經脈皮毛爲使或謂桂枝湯解表而芍藥少建中湯溫裏而芍藥多何也皮膚爲近則制小其服心腹爲遠則制大其服所以不同也按此卽表欲其散裏欲其收之義。小建

中治腹痛者以木來尅土取芍藥爲君土中瀉木也理中湯治腹痛者以木來侮土取乾薑爲君土中瀉水也平胃散治腹痛自利者取蒼朮爲君瀉土除溼也雲岐子曰建中爲補能補中焦之虛而不能補上焦下焦之虛調胃爲瀉能瀉中焦之實而不能瀉上焦下焦之實

加黃耆兩半名黃耆建中湯金治虛勞諸不足

準繩曰血不足而用黃耆黃耆味甘加以甘草大能生血此仲景之妙法蓋稼穡作甘甘能補胃胃爲氣血之海氣血所從生也經曰無陽則陰無以生以甘益胃而生血旨哉今人但知參耆爲氣藥故特表而出之按補血湯亦治傷寒黃耆五倍於當歸而云補血卽此義

汗後身痛表虛惡寒脈遲弱者身痛乃六經俱裏有寒有熱有風有溼陽證身痛但拘急陰寒身痛體勢沉重宛如被杖以此別之此證因過

汗耗損陽氣血少不能榮養筋骨故痛陽虛故脈遲汗後故脈弱用黃耆甘草之甘以補中氣芍藥之酸以收陰氣桂枝辛熱外以益衛而實表內以和營而補虛使中氣建立則能生育營衛通行津液表不虛而身痛自汗皆止虛勞不足可愈矣

# 十四味建中湯 治氣血不足虛損勞瘵短氣嗜

臥欲成勞瘵及陰證發斑或汗吐下後中氣

腎氣或因過服涼藥遂成陰證寒伏於下逼其無根失守之火上獨薰肺而發斑點其色淡紅隱隱見於肌表與陽證發斑色紫赤者不同此胃氣極虛若服寒涼立見危殆吳鶴皋曰以參耆桂附治斑法之變者也醫不達權安足語此寒甚脈微

黃耆蜜炙人參 白朮土炒茯苓 甘草蜜炙半夏薑製

當歸

酒洗

白芍

酒炒

熟地

川芎

麥冬

肉蓯蓉

附子

肉桂

加薑棗煎

黃耆益衛壯氣補中首藥四君益氣四物養血  
陰陽調和則血氣各安其位矣半夏和胃健脾  
麥冬清心潤肺菴蓉補命門相火之不足桂附  
引失守之火而歸元於十全大補之中而有加  
味要以強中而戢外也

除茯苓白朮麥冬川芎熟地菴蓉名八味大建  
中湯治同除川芎熟地白朮附子菴蓉加柴胡

細辛陳皮名樂令建中湯治臟腑虛損身體羸

瘦潮熱自汗將成勞瘵大能退虛熱生氣血

嘉喻

言曰樂令建中湯柴胡細辛為君意在退熱而陰虛之熱則不可退十四味建中湯用桂附從養意在復陽而陰虛之陽未必可復又在用方者之善為裁酌爾又曰二方治臟氣素虛以之兩建其脾腎之陽蓋虛勞之病多本脾腎故引仲建中之法乃後人超出之方也

養中煎治中氣虛寒為嘔為泄者

人參一錢二錢山藥炒二錢白藕豆炒二錢炙甘草一錢乾

薑炒黃一錢二錢如噯腐氣滯者加陳皮一錢或砂

仁四分如胃中空虛覺餒加熟地三五錢

或方切用寒  
卷下  
養中煎白通加尿豬膽汁湯  
七

白通加人尿豬膽汁湯仲景治少陰病下利脈微

者與白通湯利不止厥逆無脈乾嘔而煩服此

湯後脈暴出者死微續者生腎者胃之關也。前

寒邪客之。則不能禁固。故下利也。與白通湯復陽散寒。服後利不止。厥逆無脈。乾嘔煩者。寒氣太甚。內為格拒。陽氣逆亂也。服此湯後。脈暴出者。正氣因發泄而脫也。故死。脈微續者。陽氣漸復也。故生。

葱白四莖乾薑兩一附子一枚人尿五合豬膽汁一合

加減法同四逆湯

葱白之辛以通陽氣薑附之熱以散陰寒此白



通湯也。服而不應者，乃陰盛格拒乎陽，藥不能達少陰。故加人尿、豬膽汁爲引，取其與陰同類，下咽之後，冷體既消，熱性便發，情且不違，而致大益。經曰：逆而從之，從而逆之，正者正治，反者反治。此之謂也。以熱治熱，以寒治寒，爲正治。以寒治熱，以熱治寒，爲反治。亦曰從治。謂從其性而伏之也。按厥有陰陽，二證。陰厥者，身涼不渴，脈遲細而微，陽厥者，身熱極而反厥。雖厥而煩渴譫妄，身復時溫而脈數也。若陽厥極深，至於身冷，脈微欲絕，爲熱極而將死矣。急以大承氣下之，則厥愈。所謂寒藥反能生脈，而令身煖也。若以熱藥助其陽，則陰氣暴絕而死矣。陰厥用白通湯四逆湯，亦須急投，緩則無及。

薑附白通湯 治暴卒中寒厥逆嘔吐瀉利色清

氣冷肌膚凜慄無汗盛陰沒陽之證

附子

炮去皮臍乾薑

炮五錢葱白

五莖取汁豬膽大者一枚用

水二大盞煎附薑二味至一盞入葱汁并豬膽

汁和勻服再用葱一大握以帶輕束切去兩頭

留二寸許以一面熨熱安臍上用熨斗盛炭火

熨葱白上面取其熱氣從臍入腹甚者連熨二

三餅又甚者再用艾炷灸關元氣海各二三十

壯

臍下一寸五分名氣海二寸名關元

內外協攻務在一

時之內令得陰散陽回身溫不冷次用附薑歸  
桂湯

喻嘉言曰寒中少陰行其嚴令埋沒微陽肌膚  
凍裂無汗而喪神守急用附子乾薑加葱白以  
散寒加豬膽汁引入陰分然恐藥力不勝熨葱  
灼艾外內協攻乃足破其堅凝少緩須臾必無  
及矣又曰用薑附以勝陰復陽者取飛騎突入  
重圍塞旗樹幟使旣散之陽望幟爭趨頃之復  
合爾不知此義者加增藥味和合成湯反牽制

其雄入之勢必至藥緩無功矣

附薑湯 治卒暴中寒其人腠理素虛自汗淋漓身冷手足厥逆或外顯假熱躁擾乃陰盛於內逼其陽亾於外卽前方不用葱白也

附子

炮去  
皮膽

乾薑

炮五  
錢

水二大盞煎至一盞加

豬膽汁一蛤殼和溫冷服不用葱熨及艾灼

喻嘉言曰若其人真陽素擾腠理素疎陰盛於內必逼其陽亾於外魄汗淋漓脊項強硬用附子乾薑豬膽汁卽不可加葱及熨灼恐助其散

而陽無由內附也。宜撲止其汗。院進前藥。隨加固護。腠理不爾。恐其陽復越也。

附薑歸桂湯

治暴病用附薑湯後第二服隨用

此繼之。因附薑專主回陽。而其所中寒邪先傷營血。故加歸桂。驅營分之寒。纔得藥病相當也。

附子

炮去皮臍

乾薑

炮

當歸

肉桂

二錢五分

水二大

盞煎至一盞。入蜜一蛤殼。溫服。

喻嘉言曰。其次前藥中。卽須首加當歸肉桂。兼理其營。以寒邪中入先傷營血故也。不爾藥偏

於衛弗及於營與病卽不相當邪不盡服必非  
勝算也

附薑歸桂參甘湯 治陽氣將回陰寒少殺略有  
端緒第三服卽用此方

附子

炮去皮臍

乾薑

炮

當歸

肉桂

一分錢五分

人參

甘

草

二錢

水二大盞煨薑三片

自汗不用

大棗二枚煎

至一盞入蜜三蛤殼溫服

喻嘉言曰其次前藥中卽須加入人參甘草調  
元轉餉收功幃幄不爾薑附之猛直將心上無

等矣

辛溫平補湯

治暴中寒謔服前三方後其陽已

回身溫色活手足不冷吐利漸除第四方即用

此平調臟腑營衛俾不致有藥偏之害

附子

炮去皮臍

乾薑

炮

肉桂

五分

當歸

人參

甘草

炙

黃耆

蜜炙

白朮

土炒

白芍

酒炒

五味子

十二粒

水

二大盞煨薑三片大棗二枚煎至一盞入蜜五

蛤殼溫服

喻嘉言曰用前藥二三劑後覺其陽明在躬運

動頗輕神情頗悅更加黃耆白朮五味白芍大  
隊陰陽平補不可歇手蓋重陰見睨浪子初歸  
斯時搖搖靡定怠緩不爲善後必墮前功也又  
曰用羣隊之藥以培陰護陽其人卽素有熱痰  
陽出早已從陰而變寒至此無形之陰寒雖散  
而有形之寒痰阻塞竅隧者無由遽轉爲熱薑  
附固可弗施其牛黃竹瀝一切寒涼斷不可用  
若因其素有熱痰急投寒劑則陰復用事陽卽  
躁擾必墮前功也



甘寒補氣湯 治中寒服藥後諸證盡除但經絡

間微有空塞辛溫藥服之不能通快者第五方  
用甘平助氣藥緩緩調之

人參 麥冬 白芍 酒炒 一錢 黃耆 蜜炙 一錢二分 生地黃

二錢 甘草 炙 七分 牡丹皮 八分 淡竹葉 鮮者取汁少許 更炒乾者七分

水二大盞煎至一盞入梨汁少許熱服 無梨汁用

竹瀝可代

喻嘉言曰前用平補後已示銷共放馬偃武崇  
文之意茲後復有頑痰畱積經絡但宜甘寒助

氣開通不安。辛辣助熱壅塞。蓋辛辣始先不得已而用其毒。陽既安堵。即宜休養其陰。何得喜功生事。徒令病去藥存。轉生他患。漫無寧字也。

益元湯

活人

治面赤身熱不煩而躁。飲水不入口。

名戴陽證

成氏曰。煩躁者。先煩漸至躁也。躁煩者。先躁而迤遲復煩也。從煩至躁為

熱。先躁後煩。謂怫鬱然更作躁悶。此為陰盛格陽也。雖大躁欲於泥水中臥。但飲水不得入口。是也。此氣欲脫而爭。譬如燈將滅而復明矣。按內熱曰煩。謂心中鬱煩為有根之火。故但煩不躁。及先煩後躁者。皆可治。外熱曰躁。謂身體手足動擾欲裸衣入井為無根之火。故但躁不煩。及先躁後煩者。皆不治。大抵獨煩不躁者多屬熱。惟學者屬虛。獨躁不煩者多屬寒。而火邪者

開或有之

附子

炮

乾薑

艾葉

黃連

知母

人參

麥冬

五味子

甘草

加薑棗葱白煎入童

便一匙冷服

附子乾薑艾葉回陽之藥協以人參甘草補其陽虛退其陰火所謂甘溫能除大熱也黃連以折泛上之火知母以滋在下之陰以靜其躁蓋陽無陰則孤陽無所附麗故扶陽亦兼和陰也麥冬五味補肺清心合人參以生其脈加童便

而冷服者熱因寒用也

回陽救急湯

節菴自註云  
即四逆湯

治三陰中寒初病身

不熱頭不痛惡寒戰慄四肢厥冷引衣自蓋蹠

臥沉重腹痛吐瀉口中不渴或指甲唇青口吐

涎沫或無脈或脈沉遲無力

初病無身熱頭痛

陽也惡寒厥逆是寒中於裏陽氣不宜於四肢

也引衣自蓋蹠臥沉重是寒中少陰也腹痛吐瀉

寒中厥陰也至於沉遲無脈陰寒為已甚矣

戰慄有屬陰者陽微陰勝邪氣內爭而正不勝故心寒足蹠鼓頰厥冷而一身戰搖也有屬陽者真陽來復正氣鼓動外爭而勝故身熱振搖送大汗以解也

附子炮 乾薑 肉桂 人參分五 白朮 茯苓錢一

半夏 陳皮分七 甘草分三 五味子粒九 加薑煎入

麝三厘調服無脈加豬膽汁而苦入心通脈 泄瀉加升

麻黃耆嘔吐加薑汁吐涎沫加鹽炒吳茱萸

寒中三陰陰盛則陽微故以附子薑桂辛熱之

藥祛其陰寒而以六君溫補之藥助其陽氣五

味合人參可以生脈加麝香者通其竅也

栝蒌瞿麥丸金匱 治小便不利有水氣其人渴

栝蒌根二兩 茯苓 薯蕷三兩 附子炮一枚 瞿麥一兩

或方切用寒 栝蒌瞿麥丸

煉蜜丸服以小便利腹中溫爲知。

金匱治小便不利而淋且渴者用之以其胃中有熱腹中有寒故變八味丸之制爲此丸見其人趺陽脈數卽胃中有熱胃熱必消穀引食大便必堅小便必數是其淋而且渴爲胃熱中消明矣故用栝蒌以清胃熱茯苓瞿麥以利小便然腎中寒水之氣上入於腹則腹中必冷故用附子以勝其寒方下云以小便利腹中溫爲知制方之義可繹思也

中滿分消湯

東垣

治中滿寒脹寒疝二便不通四

肢厥逆食入反出腹中寒心下痞下虛陰躁奔

豚不收

或多食寒涼及脾胃久虛之人胃中寒則脹滿或厥寒生滿病此湯主之

川烏

乾薑

枳實

生薑

黃連

人參

當歸

澤瀉

青皮

麻黃

柴胡

二錢草薢

仁

厚朴

黃耆

黃蘗

五分益智仁

吳茱萸

木香

半夏

茯苓

升麻

三分

熱服

川烏二薑吳茱萸澄茄益智草薢除溼開鬱煖胃

溫腎以祛其寒青皮厚朴以散其滿升麻柴胡

以升其清。茯苓澤瀉以降其濁。人參黃耆以補其中。木香以調其氣。當歸以和其血。麻黃以泄其汗。半夏以燥其痰。黃檗黃連以去溼中之熱。又熱因寒用也。李東垣曰：中滿治法當開鬼門。府者利小便也。中滿者瀉之於內。謂脾胃有病。令上下分消其溼。下焦如瀆。氣血自然分化。如或大實大滿。大小便不利者。從權以寒熱藥下之。

溫胃飲

治中寒嘔吐吞酸泄瀉不思飲食及婦

人臟寒嘔惡胎氣不安等證

白朮

炒二錢

當歸

錢一

人參

錢二

白朮

錢二

白朮

錢二



草

錢

乾薑

炒黃二錢

陳皮

炒一錢

如下寒帶濁

者加故紙一錢

如氣滯或兼胸腹痛者加藿

香丁香白豆仁砂仁白芥子之屬

如兼外邪

及肝腎之病者加桂枝肉桂甚者加柴胡

如

脾氣陷而身熱者加升麻五七分

如水泛為

痰而胸膈痞滿者加茯苓一二錢

如脾胃虛

極大嘔大吐不能止者宜倍用參朮仍加柴胡

胡椒二三分煎熟徐徐服

如泄瀉者去當歸

無滯去陳皮

關門在六  
小腸之交  
上分別水  
穀

# 四神丸

## 治腎瀉脾瀉

腎瀉者五更時瀉也經曰

後陰利穀腎屬水水旺於子腎之陽虛不能鍵  
閉故將交陽分則瀉也脾瀉者脾之清陽下陷  
不能運化關門元氣不足不能分別水穀不痛  
而瀉也兩證皆由腎命火衰不能上生脾土故  
也楊仁齋曰腎命之氣  
交通水穀自然剋化

破故紙

四兩酒浸  
一宿炒

五味子

三兩炒

肉苳蔻

二兩麩

吳茱萸

一兩鹽  
湯泡

用大棗百枚生薑八兩切片

同煮棗爛去薑取棗肉搗丸每服二錢臨臥鹽

湯下

若平旦服之至夜藥力已  
盡不能敵一夜之陰寒也

破故紙辛苦大溫能補相火以通君火火旺乃

能生土。故以爲君。肉蔻辛溫能行氣消食。煖胃  
固腸。五味鹹能補腎。酸能瀆精。吳茱辛熱除溼  
燥脾。能入少陰厥陰氣分而補火。蓋久瀉皆由  
腎命火衰。不可專責脾胃。故大補下焦元陽。使  
火旺土強。泄瀉自止矣。

單用破故紙肉荳蔻名二神丸治同。

許學士曰有全不進

食者服補脾藥皆不效。予授二神丸。頓能進食。此病不可全作脾治。蓋腎氣怯弱。真元衰削。是以不能化食。如釜鼎之無火。物終不熟也。單用五味子吳茱萸名

五味子散治同。除五味吳茱萸加茴香一木香

五錢薑煮棗丸亦名四神丸治同 薑香亦煖胃

氣而實大腸用以疎肝和脾不使木盛尅土也

薛氏醫案云脾胃虛寒下陷者補中益氣湯

加木香肉蓯補骨脂脾氣虛寒不禁者六君子

湯加炮薑肉桂命門火衰脾土虛寒者宜八味

丸脾腎氣血俱虛者十全大補湯送四神丸大

便滑利小便便祕瀉或肢體盡腫喘嗽吐痰為脾

腎虧損宜金匱

加減腎氣丸

烏頭赤石脂丸治心痛徹背背痛徹心

赤石脂煨蜀椒一兩烏頭炮附子炮乾薑兩

蜜丸日三服不知稍加

此乃陰寒之氣厥逆而上干橫格於胸背經脈

之間牽連痛楚亂其氣血攪其疆界此而用氣  
分諸藥則轉益其痛勢必危殆仲景用蜀椒烏  
頭一派辛辣以溫散其陰邪然恐胸背旣亂之  
氣難安而卽於溫藥隊中取用乾薑之泥赤石  
脂之濇以填塞厥氣所橫衝之新隧俾胸之氣  
自行於胸背之氣自行於背各不相犯其患乃  
除此煉石補天之精義也今人知有溫氣補氣  
行散氣諸法矣亦知有堵塞邪氣攻衝之竇令  
胸背陰陽二氣竝行不悖者哉

五君子煎 治脾胃虛寒嘔吐泄瀉而兼溼者

人參錢二三 乾薑炒黃一錢 白朮 茯苓錢二 甘草炙一

錢 加陳皮一錢名六味異功煎證治同前而

兼微滯者

按此即四君子湯五味異功散之變方也

感應丸 治新舊冷積瀉痢等證

木香 肉荳蔻 丁香兩半 乾薑炮 百草霜一兩 杏

仁一百粒 巴豆七粒 杏仁另

研同前藥末和勻用好黃蠟六兩溶化重絹濾

去渣好酒一升於砂鍋內煮數沸候酒冷蠟浮  
用清油一兩銚內熬熟取蠟四兩同化成汁就  
銚內和前藥末乘熱拌勻丸如豆大每服三十  
丸空心薑湯下

肉蔻逐冷消食下氣和中丁香煖胃助陽宣壅  
除癰木香升降諸氣和脾疎肝杏仁降氣散寒  
潤燥消積炮薑能逐錮冷而散痞通關巴豆善  
破沉寒而奪門宜滯寒積深錮非此莫攻百草  
霜和中溫散亦能消積治痢爲佐也

醫賈曰此方神妙不

可。言。雖。有。巴。豆。不。令。人。瀉。其。積。自。然。消。化。李。時。珍。曰。一。婦。年。六。十。餘。澹。瀉。五。載。犯。生。冷。油。膩。肉。食。即。作。痛。服。升。澀。藥。瀉。反。甚。脈。沉。而。滑。此。乃。脾。胃。久。傷。積。冷。凝。滯。法。當。以。熱。下。之。用。蠟。置。巴。豆。九。五。十。粒。服。二。日。遂。愈。自。此。每。用。治。瀉。痢。愈。者。近。百。人。

久痛丸

金匱

治久寒心痛兼治卒中惡腹脹痛口

不能言又治連年積冷流注心胸痛并冷腫上

氣落馬墜車血疾等

附子三兩

生狼牙

炙香

巴豆

去皮心膜研

人參

乾薑

吳茱萸一兩

煉蜜丸

桐子大

酒下

强人

初服三

丸日三服弱者二丸



仲景於胸痺證後附久痛丸治久寒心痛以其  
久着之邪不同暴病故藥則加峻而湯改爲丸  
取緩攻不取急蕩也久寒心痛乃久客之劇證  
卽腎水乘心腳氣攻心之別名也痛久血瘀陰  
邪團結溫散藥中加生狼牙巴豆吳茱萸驅之  
使從陰竅而出以其邪據胸中結成堅壘非搗  
其巢邪終不去爾

黃芽丸 治脾胃虛寒或飲食不化或時多脹滿  
泄瀉吞酸嘔吐等證

人參二錢焦薑二錢

錢

蜜丸次實大常嚼服甚妙

加甘草二錢為散名參薑散治脾肺虛寒嘔吐

咳嗽氣短小兒吐乳等證二方或陳皮或華

撥或茯苓皆可酌用

導氣湯

治寒疝疼痛

陰氣積於內復為寒邪所

冷結硬如石或引辜丸而痛名寒疝疝有七種

寒疝水疝筋疝血疝氣疝狐疝癰疝也證雖見

於腎病實木於肝以厥陰肝脈絡於陰器故也

女子小腹有塊前陰突出及陰菌亦同此類但

女子不名

疝而名癰

川練子

錢四

木香

錢三

茴香

錢二

吳茱萸

錢一

湯泡

長流

水煎

此治疝之通劑也川練苦寒能入肝舒筋使無  
攣急之苦又能導小腸膀胱之熱從小水下行  
爲治疝之主藥木香升降諸氣通利三焦疏肝  
而和脾胃香能入腎與膀胱煖丹田而祛冷氣  
吳茱萸入肝腎氣分燥溼而除寒三者皆辛溫  
之品用以宣通其氣使小便下利蓋疝病多因  
寒溼所致寒去則溼自除也

附子粳米湯

金匱

治腹中寒氣雷鳴切痛胸脇逆

滿嘔吐

附子

一枚

半夏

半升

甘草

南

大棗

十枚

粳米

半升

以

水八升煮米熟湯成去滓溫服一升日三服

腹中陰寒奔迫上攻胸脇以及於胃而增嘔逆

頃之胃氣空虛邪無所隔徹入陽位則殆矣是

其除患之機所重全在胃氣乘其邪初犯胃尙

自能食而用附子粳米湯以溫飽其胃胃氣溫

飽則土厚而邪難上越胸脇逆滿之濁陰得溫

無敢再戀必還從下竅而出曠然無餘此持危

扶顛之手眼也

胃關煎 治脾腎虛寒作瀉或甚至久瀉腹痛不

止冷痢等證

熟地或三五錢 山藥炒 菟豆炒 白朮炒 焦乾薑

一二錢 甘草錢一 吳茱萸製五分 瀉甚者加肉苳

蔻一二錢 或補骨脂亦可 氣虛甚者加人

參隨宜用 陽虛下脫不固者加製附子一二

三錢 腹痛甚者加木香七八分或厚朴八分

滯痛不通者加當歸二三錢 滑脫不禁者

加烏梅二箇或五味子二十粒 肝邪侮脾者

加肉桂一錢

佐關煎 治生冷傷脾瀉痢未久腎氣未損者宜

用此湯以去寒溼安脾胃此胃關之佐者也

厚朴炒 陳皮炒 山藥炒 藟豆炒 豬苓 澤瀉

二錢 乾薑炒 肉桂錢 甘草錢 如腹痛甚者

加木香三五分吳茱萸亦可

抑扶煎 治氣令陰寒或暴傷生冷致成瀉痢凡

初起氣血未衰脾胃未敗或脹滿或嘔惡皆可

先用此湯此胃關煎表裏藥也空察虛實用之

其有寒溼傷臟霍亂邪實者最宜用此

厚朴 陳皮 烏藥錢半 豬苓 澤瀉錢二 甘草炙一

乾薑炮一錢 吳茱萸製五分 如氣滯痛甚者加

木香五七分或砂仁亦可 血虛多痛者加當

歸二錢 寒溼勝者加蒼朮錢半

天台烏藥散 治小腸疝氣牽引臍腹疼痛厥陰肝脈

絡於陰器上入少腹疝病乃肝邪也肝主筋故牽引疼痛小腸經絡並於厥陰寒邪客於小腸少腹痛引羣丸上而不下痛入臍腹甚則上衝心膈故俗亦名小腸氣古人治法往往相類

巴豆

粒七十

川練子

箇十

烏藥

木香

茴香

炒鹽

良

薑

炒錢五

青皮

箇二

先將巴豆微打破同川

楝

麩炒黑去麩及巴豆同餘藥為末酒下一錢

烏藥散膀胱冷氣能消腫止痛川楝導小腸邪

熱從小便下行木香青皮行氣而平肝良薑茴

香散寒而煖腎檳榔性如鐵石能下水潰堅巴

豆斬關奪門破血癥寒積皆行氣祛溼散寒之

品也

意以仁附子散金

治胸痺緩急之證



薏苡仁二兩大附子一枚

炮

杵爲散服方寸七日

三服

胸中與太空相似天日照臨之所而膻中之宗氣又賴以苞舉一身之氣者也今胸中之陽痺而不舒其經脈所過非緩卽急失其常度總由陽氣不運故致然也用薏苡仁以舒其經脈用附子以復其陽則宗氣大轉陰濁不畱胸際曠若太空所謂化日舒長曾何緩急之有哉

四維散

治脾腎虛寒滑脫之甚或瀉痢不能止

或氣血下陷二陰血脫不禁者無出此方之右

人參

兩

乾薑

黃

製附子

錢二

甘草

炙一

錢

烏梅

五分

錢酌其病之微甚而用之或不用此即四味回陽飲也

爲末和勻用水

拌溼蒸一飯頃取起烘乾再爲末每服一二錢

溫酒調下

疝氣方

丹

治疝氣疼痛

吳茱

枝核

枳殼

梔子

棠球子

卽山查之小者俱炒用

荔

枝核

煨

等分爲末空心長流水煎湯下二錢

吳茱入厥陰氣分溫肝逐寒山梔瀉三焦火熱

由膀胱出枳殼行氣而破癥山查散瘀而磨積  
荔枝雙結形類畢九能入肝腎辟寒散滯故假  
之以爲引也丹溪曰：痼病自素問而下皆以爲  
之可也。因思此病始於淫熱在經，鬱遏至久，又  
感外寒，淫熱被鬱而作痛，只作寒論，恐有未盡  
古方以烏頭、梔子等分作湯，其效亦速。後因此  
方，隨證加減，無有不應。須分淫熱多少而治之。  
又有扶虛而發者，當以參朮爲君，而佐以疎導。  
其脈沉緊而豁大者是也。按疎導藥，卽桃仁、山  
查、枳實、黑梔、川棟、吳茱、延胡、丁香、木香之類。  
山梔附子酒煎，加鹽服，名梔附湯。丹溪曰：烏頭  
治外束之寒，梔子治內鬱之熱。

鎮陰煎

治陰虛於下，格陽於上，則真陽失守，血

隨而溢以致大吐大衄六脈細脫手足厥冷危  
在頃刻而失血不能止者速宜用此使孤陽有  
歸則血自安也如治格陽喉痺上熱當以此湯  
冷服

熟地

一二兩

牛膝

二錢

甘草

炙一錢

澤瀉

半錢

肉桂

一二錢

製附子

一二錢或五七分

如兼嘔惡者

加乾薑

炒黃

一二錢

如氣脫倦言而脈弱極者

宜速速多

加入參隨宜用之

橘核丸

治四種癰疽

瘰癧

瘰癧

瘰癧

瘰癧

瘰癧

橘核丸

治四種癰疽

瘰癧

瘰癧

瘰癧

瘰癧

瘰癧

瘰癧

瘰癧

瘰癧

絞痛者四種腸癰卵癰水  
瀰氣癰也皆寒淫為病

橘核 川棟子 海藻 海帶 昆布 桃仁

二兩 延胡索 厚朴 枳實 木通 桂心 木

香錢五 酒糊丸鹽湯或酒下

橘核木香能入厥陰氣分而行氣桃仁延胡能  
入厥陰血分而活血川棟木通能導小腸膀胱  
之熱由小便下行所以去溼官桂能平肝煖腎  
補腎命之火所以祛寒厚朴枳實並能行結水  
而破宿血昆布藻帶鹹潤下而軟堅寒行水以

泄熱

久亦為熱。寒

同為散腫消堅之劑也

朱丹溪曰

癰疽不痛非痛斷房事與厚味不可若蒼朮神麴山查白芷川芎枳實半夏皆要藥又宜隨時月寒熱加減有熱加梔子堅硬加朴硝秋冬加吳茱萸

歸氣飲

治氣逆不順呃逆嘔吐或寒中脾腎等

證

熟地

錢三五

茯苓

菡豆

錢二 炮薑

丁香

陳皮

錢一 藿香

錢半

甘草

分八

中氣寒甚者加製附子

肝腎虛寒者加吳茱萸肉桂或加當歸

煖肝煎

治肝腎陰寒小腹疼痛等證

當歸

錢二

三

枸杞子

錢三

茯苓

錢二

小茴香

錢二

烏藥

錢二

肉桂

錢一

二

沉香

錢一

或木

生薑

三五

片

如寒甚

如寒甚

錢二

者加吳茱萸乾薑再甚者加附子

補火丸

治冷勞氣血枯竭肉瘠齒落肢倦言微

吳鶴皋曰凡人之身有真火焉寄於右腎行於三焦出入於甲膽聽命於天君所以溫百骸養臟腑充九竅者皆此火也為萬物之父故曰天非此火不能生物人非此火不能有生此火一息猶萬物無父故其肉衰而瘠血衰而枯骨衰而齒落筋衰而肢倦氣衰而言微也

石硫黃

一

豬大腸

尺二

將硫黃為末入豬腸中

爛煮三時取出去腸蒸餅為丸如梧子大每服

十九日漸加之

凡服硫黃者忌食諸禽獸血

硫黃火之精也亦號將軍

大黃至寒亦號將軍

故用之以

補火以其大熱有毒故用豬臍爛煮以解之庸俗之人忌而罕用蓋不知其有破邪歸正返滯

還清消陰回陽化魄生魂之力也

吳鶴皋曰戴元禮有言曰

諸涼藥皆滯惟黃連寒而不滯諸熱藥皆燥惟硫黃熱而不燥昔仁和吏早衰服之年至九十他如范文正公之金液丹得效之玉真九和劑之來復丹半硫丸靈砂丹百選之二氣丹活人之返陰丹楊氏之紫霞丹但所主各有攸當爾按人有真陽虛衰性附所不能補者非硫黃不能補之其性雖燥而卻助利與燥者不同苟製鍊得安誠為救危妙藥若用之不當貽禍



輕

附金液丹硫黃十兩研末瓷盒盛水和赤石脂  
封口鹽泥固濟日乾地內埋一小罐盛水令滿  
安盒在內用泥固濟慢火養七日七夜加頂火  
一觔煨取出研末蒸餅丸米飲下治久寒錮冷  
勞傷虛損傷寒陰證

來復丹太陰元精石舶上硫黃硝石各一兩

黃

同微炒不可火大五靈脂去砂青皮陳皮各一

兩醋和丸米飲下治伏暑泄瀉身熱脈弱

玉機微義

日。硝石性寒。佐以陳皮。其性疎快。硫黃能利人。若作煖藥止瀉。誤矣。此由啖食生冷。或胃暑熱。中脘閉結。揮霍變亂。此藥通利三焦。分理陰陽。服之甚驗。若因暑火溼熱者。勿用。

半硫丸。半夏硫黃等分。生薑糊丸。治老人虛秘冷秘。

靈砂丹。水銀三兩。硫黃一兩。鍊成。研細糯米糊丸。治諸虛錮冷。

二氣丹。硝石硫黃等分。爲末。石罌炒成砂。再研糯米糊丸。梧子大。每服四十丸。井水下。治伏暑傷冷。二氣交錯。中脘痞結。或嘔或泄。霍亂厥逆。

返陰丹治陰毒傷寒心神煩躁四肢逆冷硫黃  
五兩硝石太陰元精石各一兩附子炮乾薑炮  
桂心各五錢用鐵銚先鋪元精末一半次鋪硝  
石末一半中間蓋硫黃末又着硝石一半蓋硫  
黃再以元精末蓋上用小蓋合着炭三觔燒令  
得所勿令煙出研末和前藥末飯丸梧子大每  
服十五至二十丸艾湯下汗出爲度

本事方破陰丹治陰中伏陽煩躁六脈沉伏硫  
黃水銀各一兩陳皮青皮各五錢先將硫黃入

銚鎔開次下水銀鐵杖攪勻令無星細研糊丸  
每服三十丸如煩躁冷鹽湯下陰證艾湯下  
傷寒百問方硫黃五錢艾湯調下治身冷脈微  
厥而煩躁令臥汗出而愈

黑鉛丹黑鉛硫黃各二兩將錫鎔化漸入硫黃  
候結成片傾地上出火毒研至無聲爲度治陰  
陽不升降上盛下虛頭目眩暈

黑錫丹 治真元虛憊陽氣不固陰氣逆冲三焦  
不和冷氣刺痛飲食無味腰背沉重膀胱久冷

夜多小便女人血海久冷赤白帶下及陰證陰  
毒四肢厥冷不省人事急用棗湯吞一百粒卽  
便回陽此藥大能升降陰陽補虛益元墜痰除  
溼破癥。

黑錫

去滓

硫黃

二兩

葫蘆巴

酒浸炒

附子

炮

陽起石

研細

肉苳蔻

麩裏

金鈴子

蒸去皮核

沉香

舶茴香

破故紙

木香

一兩

肉桂

半兩

用鐵銚內如常

法結黑錫硫黃砂子地上出火毒研令極細餘  
藥竝細末和勻自朝至暮以研至黑光色爲度

酒糊丸如桐子大陰乾入布袋內擦令光瑩每  
四十丸空心鹽薑湯下女人艾棗湯下急證用  
百丸

喻嘉言曰此方用黑錫水之精硫黃火之精二  
味結成靈砂爲君諸香燥純陽之藥爲臣用金  
鈴子苦寒一味爲反佐用沉香引入至陰之分  
爲使凡遇陰火逆冲真陽暴脫氣喘痰鳴之急  
證舍此藥再無他法可施日每用小囊佩帶隨  
身恐遇急證不及取藥且欲以吾身元氣溫養

其藥藉手効靈厥功歷歷可紀卽如小兒佈痘  
與此藥迥不相值然每有攻之太過如用蜈蚣  
穿山甲桑螵之類其痘雖勃然而起然頭而遍  
身腫如瓜匏瘡形溼爛難乾乃至真陽上越氣  
喘痰鳴兒醫撒手駭去目投此丸領其陽氣下  
入陰中施以大劑地黃湯峻補其陰以畱戀夫  
真陽肌膚之熱反清腫反消溼爛反乾而成厚  
靨如此而全活者不知凡幾因附本方項下以  
廣用方者之識

五德丸

治脾腎虛寒飧泄鶩溇等證或暴傷生

冷或感時氣寒溼或酒溼傷脾腹痛作泄或飲  
食失宜嘔惡痛泄無火等證

補骨脂

四兩酒炒

北五味

或用肉苁蓉代之麩炒

吳茱萸

製

木

香二乾薑

四兩五兩炒

湯浸蒸餅丸桐子大每服六

七十丸甚者百餘丸白滾湯或米湯或人參湯

俱可下

腹痛多嘔者加胡椒二兩更妙

七德丸

治生冷傷脾初患瀉痢肚腹疼痛凡年

少氣血未衰及寒溼食滯凡空和胃者無不神



效此卽佐關煎之偏裨也

補骨脂

炒四兩

乾薑

炒焦

蒼朮

炒

台烏藥

吳茱萸

木香

茯苓

一兩

神麴

糊爲丸

梧子大每服

七八十丸或百丸白滾湯下

唐鄭和國方

治虛寒喘嗽腰腳痠痛

破故紙

十兩酒蒸爲末

胡桃肉

二十兩去皮爛研

蜜調如飴

每晨酒服一大匙不能飲者熟水調忌薑薑菜

也  
羊血

破故紙屬火入心包命門能補相火以通君火

煖丹田壯元陽胡桃屬木能通命門利三焦溫  
肺潤腸補養氣血有木火相生之妙氣足則肺  
不虛寒血足則腎不枯燥久服利益甚多不獨  
上療喘嗽下強腰腳而已也古云黃檗無知母  
水母之無蝦也李時珍曰命門在兩腎中夾為  
生命之原相火之主腎命相通藏精而惡燥胡  
桃狀頗相類皮汁青黑故入北方佐破故紙潤  
燥而調血使精氣內充血脈通調諸證自然愈  
矣

加杜仲一觔生薑炒蒜四兩名青娥丸治腎虛

腰痛經曰腰者腎之關再加牛膝酒浸黃蘗鹽水

炒川草薺童便浸蜜丸治同加杜仲葫蘆巴小茴

香車薺名喝起丸治小腸氣痛引腰

復陽丹治陽虛嘔吐泄瀉腹痛寒疝等證

北五味炒甘草炙附子製炮薑胡椒兩白麵

二兩炒焦為末和勻入溫湯搗丸桐子大每服一

錢隨證用藥引下

三氣飲治氣血虧損風寒溼三氣乘虛內侵筋

骨歷節疼痛之極及痢後鶴膝風痛等證

當歸錢枸杞錢杜仲二錢熟地三錢或五錢甘草炙北

細辛

或代以獨活

芍藥

酒炒

牛膝

茯苓

肉桂

白

芷

附子

錢一

生薑

三片

如氣虛者加人參白朮

隨宜

風寒勝者加麻黃一二錢

此飲亦可

浸酒大約每藥一觔可用燒酒六七觔浸十餘

日徐徐服之

壽脾煎

一名攝營煎

治脾虛不能攝血等證凡憂思

鬱怒積勞及誤用攻伐等藥犯損脾陰致中氣

虧陷神魂不寧大便脫血不止或婦人無火崩

淋等證兼嘔惡尤為危候速宜用此單救脾氣

則統攝固而血自歸源此歸脾湯之變方其效如神若犯此證而再用寒涼則胃氣必脫無不即斃者

白朮

錢二三

當歸

山藥

錢二

棗仁

錢半

甘草

炙一錢

志

製三分

炮薑

錢一二

蓮肉

去心炒

人參

隨空一二錢

急者用

一兩

如血未止

加烏梅

二箇

凡畏酸者

不可用

或加地榆

錢半亦可

滑脫不禁

加醋炒

文蛤

一錢

下焦虛滑

不禁

加鹿角霜

二錢

爲末

攪

入藥中服之

氣虛甚者

加炙黃耆

二三錢

氣陷而墜者加炒升麻五七分或白芷亦可

兼溏泄者加補骨脂一錢炒用陽虛畏寒者

加附子一二三錢血去過多陰虛氣餒心跳

不寧者加熟地人參七八錢或一二兩

一 烝丹 治脾腎虛寒不時易瀉腹痛陽痿怯寒

等證此卽參附湯之變方也

人參 製附子

等分

煉白蜜爲丸如菉豆大每

用白滾湯送下三五分或一錢凡藥餌不便之

處或在途次隨帶此丹最妙

九炁丹 治脾腎虛寒如五德丸之甚者

熟地

兩八

附子

製四兩

肉苳蔻

麩炒

吳茱萸

焦薑

補骨脂

酒炒

萆薢

五味子

兩二

粉甘草

炙一兩

煉

蜜丸或山藥糊丸桐子大每服六七十丸或百

丸滾白湯下如氣虛者加人參或二兩或四兩

尤妙

聖术煎

治飲食偶傷或吐或瀉胸膈痞悶或脇

肋疼痛

或過用尅伐等藥致傷臟氣而脈息無

力氣怯神倦者速宜用此不得因其虛滿虛痞

而畏用白朮此中虛實之機貴乎神悟也若痛  
脹覺甚者卽以此煎送神香散最妙若用治寒  
溼瀉嘔吐證尤爲聖藥

白朮

用冬末味甘者炒五錢或一兩

乾薑

炒

赤肉桂

錢一二

陳皮

酌用或不用

若治虛寒瀉痢嘔吐等證則人

參甘草之類當隨宜加用  
麻黃柴胡之類亦隨宜加用

若治中虛感寒則